



安人黃氏五旬敘

甲辰八十一所望張母 黃氏太夫人五旬初度鄉之士

友將率宗人以壽祀子葵以母壻姪孫涿爲母孫壻乃述母
之德撰露華桃實之詩以進歌曰玉露墜兮雲液碧桃燦兮
蘊結母德芳兮純潔長庚朗兮垂白又歌曰卿雲爛兮露華
碧桃實兮綻花母壽康兮慶賒王母來兮一家白麟鄭總讀
而嘆曰是豈徒爲母耶切惟哉

太祖高皇帝以仁武開國蕩掃寇氛化行俗厚故都人士女皆
振振鑿鑿雅有古道延至近代氣化日漓澹朴日喪雖士君
子講明道術得位作人尤難身挽而况院君內子生長閨壺
者乎我太夫人出自故宋九龍之後誕於宣德乙卯其去
祖宗源厚之二天遠以故陶成淑懿

飛性真非世

遷者以年來吾柳溪張為羽裳公婦嗣金太安人徽音
 女惟孝敬是承待妯娌處宗戚克敦克和次姆少寡百方將
 順以成其節課子以義方撫諸猶子不啻己出禮賢御下救
 災恤難終始四德身歷五朝渾々噩々安享壽域其於世變
 之推移人情之順逆漠若罔聞也以故為張氏所宗鄉姻所
 法凡有瓜葛者皆稱曰債哉賢母其所以扶植厚道奉揚王
 化者其在茲乎家國一理內外一機苟欲輔理化原君子當
 於斯觀法矣今日之壽豈徒為母壽乎哉雖然蓄深則發盛
 德厚則流光必然之應也母氏於風氣頹夷之秋為能彰明
 母教克孝克敬克慈固已斂厚道之極天之錫福母氏奚止
 一也也駿發其祥為之後者端有遠望母家子朝元潛心
 學聚族合爨仲子朝恩端矩慎趨有志向用為

朝

人是皆足以樹立勲名顯峻德於無窮者也一

三子男幼冲在抱頃角嶄然是皆朝堂偉器積善之報奕世重光可不察而知矣今日之祝豈徒爲母壽云乎哉謹序

義門鄭 總撰

顯三六府君暨配陳氏安人傳

公諱鯤字大成號天池姓張氏浦江之柳溪人也家世以詩書表著鄉里公父文中公年邁多疾艱於舉嗣晚得公岐嶷有成深以爲慰弱冠充邑員例授徵仕郎歸因念祖父世以詩書振家而已獨以例授取榮爲愧大爲延師訓子恆坐臥家塾視子弟授書身同記誦潛心玩索率貫通經史由是等屬詩文率本醇雅不事雕琢所著有兄弟論鬼神論佞佛論等篇森森然正於倫理大道皆可傳誦餘散作或草畢軌於

之人問爲何志曰作本無心焚亦無意時稱爲達解性曠達
好飲客有造者卽爲具樽不醉無歸然亦不至沉湎御子弟
甚嚴步趨唯諾約以法度家庭之間凜若公府至於鄉閭則
處以和睦卽有橫逆艱鉅之投亦不見其有疾詞遽色人以
此多懷之居喪哀毀致於嘔血漸成痼疾醫戒其節言語禁
書史不觀公乃書一死字於掌中悉寘外事沉嘿自養然於
書笑率不能少置也嘗畜一騎有所往卽御之以行回則縱
轡其上一夕醉飲路渾墜泉沼中馬乃大嘶躍居人驚出獨
視之見公墮得相扶而歸又嘗置清河參於穀筐中悞投以
飼馬公覺察馬爲拜跪若服罪狀人以爲公之平日至誠所
感也 叔配安人陳氏出浦邑之名宗稟性柔順勤儉閑於
閨

儻不屑家務安人一爲料理紡績是工靡輟

寒言行

翁得所值卽封識於壁中及公困於宦遊乃出

壁藏之金以給之凡公所得置產營建織悉皆出於安人之
機杼者也更以勤率諸媳雖年至八旬猶自綜理不喜委人
兒孫稍長卽遣就外傅燈燭之資無不手自饒給老年病劇
諸孫歸省輒張目睜視曰兒輩務學業是攻吾病當自起何
得亟回隳業也苟能以詩書光大門閭吾將瞑目而逝已義
門鄭復吾高年端方士也每語人曰吾館名家多矣未見有
如天池公之誠篤安人陳氏之淑慎者也時以爲質言
天山道人曰今世俗所爭慕難及者祇在高官厚實耳不知
士無特立獨行以自表著而徒藉一時之浮榮以鳴得意古
人謂之文繡之犧牢中之豕烏足尙哉以余觀天池公之曠
達真誠恥刀筆之榮而卒業於詩書之林較諸東漢南陽之

馮良何多讓焉若陳氏安人之行又將與習勤之姜九節之
母可方駕而並馳者也余爲世棄人浪迹邱壑日惟採幽人
逸事以自娛近得公之孫莘起氏嗜古敦誼樂從之遊因稔
公與配之懿行欣而述之以誌所向慕非曰文足以傳也噫
世知有人爵之榮而莫解天爵之貴亦獨何歟

義門鄭尙藩撰

英三八府君傳

公

諱希周字尙文姓張氏

號

少池諡貞素處士世居蒲陽之

柳溪父天池翁篤行好文公爲仲子家貧力學孝友性成年
十二時姚江如游孫相公方爲諸生家延授易公往從聞義
輒知大旨孫公奇之嗣是致之探究益會淵微及壯著有周
易妙意

嗜濂洛之學躬行實踐不事虛文見人空談性

命者輒莫。聖賢學問正不若是吾人惟將經傳體之日用足矣何用空言效繇流之所爲耶初應童子試太守盧公首取以送督學會父吐血棄考馳歸醫謂血絕需用血補公卽引刀割臂出血和丸以進扶養七載起臥不離左右父喪哀毀盡禮不事浮屠率妻王氏篤事孀母客遊錢塘感夢母渴遂市梨歸母適病渴食之而愈又母傷暑成喘時當亢暘疾轉劇公乃懸畫龍於堂中祀之冀以得雨人見而笑其迂忽風生畫上陰雲驟合雨下如注咸謂孝感肯堂構以資昆季歲出羨穀以賑饑乏棺葬野殍有不足稱貸者卽空券與之不計其償隣人窘急將鬻其妻公聞而厚給之致令弗鬻陳姓子讒於繼母刺目奔公公納之如子率勸其子母聚居寧波人年幼爲人所詒無依公見而蓄之復遣人訪其家而

歸之新安人客遊來邑病羸幾斃公劑藥調養俛痊送歸嘗
往市誤等人金多分數歸而覺悔遂棄其等不用租稱鐵錘
爲人所竊配以新錘比舊稍重公磨石全平乃止其不一欺
闡室大都如是督族建祠以奉先恢復祭產以義門鄭氏家
規及文公家禮大書祠楣上與族姓共相遵行復築北愚書
院陶淑後昆有二子國聘國忠教以義方時山陰倪文正公
元璐新安金太史聲爲一世巨儒遠道從遊二子皆以忠義
見稱於人及卒葬倪文正公爲題其墓曰貞素處士之墓合
邑士夫感其德誼爲之舉祀鄉賢會明清改革弗果行輿論
惜之配王氏出名族姻於閩訓與公爲一德之行云
天山外史曰世道交喪士鮮實履躬盜跖而亢談性命比
皆愚宜少泓公之深致厭鄙也若公之性篤孝友潛心理學

納我先民仁必周物行必慊隱此豈濂洛以下人哉中庸曰
致廣大而盡精微極高明而道中庸謂公非廣大高明之學
可乎洵足以砥柱末流者矣

前明經士義門鄭尙藩撰

英三八府君申詳鄉賢通學生員公呈

金華府浦江縣儒學生員傅希哲朱君正黃侃言等爲公舉
碩德懇祀鄉賢以維風化事竊念鄉賢重典生前非有實行
死後焉敢妄邀今察三院獎賞貞素處士張希周字尙文係
浦江縣感德鄉人家貧力學孝友性成年十二從餘姚孫太
師如游授易輒知大旨孫公奇之繼加探討著周易解意五
卷嗜濂洛之學致力於躬行實踐不事虛文見人空設性命
輒嘆曰聖賢學問正不如是吾人只將經傳體之日用間足

矣何必空談效繙流之所爲也初應童子試太守盧公首取
送道會父嘔血棄考馳歸醫以血絕需血補之緩不濟矣乃
引刀裂臂出血和丸後委臥牀蓆者七年扶持坐起無不順
適居父喪不從佛教率妻王氏事喪母居四十餘年備歷艱
難卒能資兄及弟篤志芸窗以成孝友母年八十偶病肺喘
時赴錢塘感夢母渴覺市梨歸食之果痊又嘗冒暑喘益煩
劇懸畫龍堂中祝之人以亢陽日仄絕無雲氣雨必不可得
言未已忽風起畫間陰雲驟合甘霖如注人謂孝感築墨龍
館祀之母卒時年九十有六其年六十有八哀痛若嬰兒曾
祖祀產爲豪右所侵力爲復之以存血食架祠堂三間崇奉
先靈列義門家規朱子家禮於楣間與子孫世守之文正倪
公元璐翰林金公聲爲當代偉儒遣子負笈從之又嘗置弓

矢督兒輩習熟以應時事之急今國變寇起長子國聘次子
國忠奔走呼號聯郡邑義社互相援勦不致焚劫皆身教所
致也當孫公入相時屢召游處屢以疾辭恬退草野不干進
取若夫還金全偶焚券助棺種之善行特其餘耳生前會上
其事於學道蔡守道鄧察院李鹽院胡詳載憲綱
茲不復贅本縣知縣胡看云稱孝稱弟內外俱無間言全
仁全義遐邇卓有蚤譽真一鄉之善士信盛世之逸民云々
署儒學舉人鄧看云幼習詩書長追濂洛痛父瘵之彌篤
令肄業之旋疎裂血和丸既起父疾墨龍致雨復瘳母疴生
事克竭其力死葬克盡其誠至如施履贈穀祈萱堂之壽撫
弟從兄完友愛之誼尊師而景行先哲課子而式穀後人濟
險扶危視人猶己解紛息爭推腹置人卽如馬如玉遇劫救

回調養贖費以慰一家之望陳雲福刺逐收家醫治送歸以
 全天性之親揚商失金悉還踵燕山之武張俊鬻妻焚券法
 馮君之誼捐棺助葬澤及枯骨讀易註經揮寫性靈孝友特
 隆懿美交著云々生等詳觀祀典凡實德在人忠孝節義關
 係風教者祀之社今希周生有實行三院旌獎死有石碑永
 洽輿情業蒙大學士倪題其墓石曰貞素處士所宜稱之鄉
 先生尸祝不衰者也况值此衰季後嗣家貧非欲借是以庇
 身而哲等見義舉揚亦非托之以要譽幸遇

師臺老父母道德主盟人倫冰鑒一字之褒榮於華袞連名具
 呈干瀆尊嚴伏乞俯察實行看申督學詳允奉祀一并印烙
 案驗施行以昭公道以維風化須至呈者

告

順治二年六月十五日 儒學生員傅希哲 朱君正

鄭守憲 傅希啓

張惟信 張燭

黃侃言 朱應雲

項漢昭 鄭應兆等

三十餘名

知縣許

禮房行學察給具申

英四人府君傳

和齋先生者世為浦江柳溪之張氏其父天池公以書禮醇謹著稱舉有三子皆敦於行誼先生居幼性尤沉潛好古篤嗜朱子之學於經書傳註靡不嘿誦研索久之得所統宗確

有定見於邇來紛紜新說爲之剖析得失殊披墨纂以示畫
一學者見之如披雲霧而見白日多所開悟又嘗謂人讀書
須得本領本領不得泛濫詞章無爲也叩其所旨則指心曰
在阿堵中人能收却放心便有無窮妙用先儒不是誑人語
君等試於日用之間不自昧不自欺看與聖賢差有幾許一
生以此自爲以此教人至於家人告匱饑寒相窘宴然自適
毫不掛胸唯以讀書做人砥勵諸子及姪輩子姪由是皆以
文行著於邑中明乙酉楚通城王率師過浦聞先生德行接
見極其優禮晚舉一孫在襁褓中卽口授詩書令毋習外事
年八十三令八歲孫寢食中堂聽講易義若有日眩不遑意
家人見而怪之先生嘆曰不數月吾將不與汝等相接矣閱
秋果患暑不服藥唯日誦周易自娛子姪勸以年尊體病當

自靜攝無用過誦勞神先生答謂吾之得力在此汝輩不解
耳復叩病痊應當有日先生手書一戊字以示再詢復書一
未字俱不解所謂及卒之日乃甲戌未時也子姪侍立左右
倏然而逝若脫化者然

天山外史曰孔門性命之學傳及孟子至漢儒第以章句服
習承之失其統宗矣宋周程諸儒以正心誠意之學崛起千
載性命之理復著迨末緒又以尊德性道問學中分爲教於
是或不足於踐履或不足於精微朱陸之徒相與角勝莫能
合一今觀和齋公篤尚朱傳語、必求統貫事、務以心印
至於處阨窮而不憫歷生死而不二象山見之應知不能以
踐履相傲是知有真學問自見真性命公不求合一而自無
不合一世無真學問而日浮談德性之玄奧又安見不與泛

濫詞章者同歸也愚用是列敘公之言行以爲末學鍼砭噫
建安亦無朱晦庵青田并無陸象山和齋公蓋有默契其旨
者在矣

天山樵史鄭尙藩書

英四八府君儒官劄

楚通城王 爲崇優耆德事炤得元和之氣鍾夫仁壽貞固
之神結爲大年養老特重乎虞庠引年不替於漢室爾碩儒
張希祿漁經獵史蹈義居仁享茲遐福允屬德徵爰授冠帶
以褒儒德尙其毫不倦修彌高彌邵介爾景福并埃

朝恩爲此給劄須至劄者

大清順治二年乙酉正月十五日給

右劄付耆德儒官張希祿准此

雄廿二府君居士傳

隨庵居士姓張

諱

國泰

字

君交

子之從兄也

季父和齋公

嫡

趙氏之子生數月術者謂不利於母蓋繼之督謂豕男也後
他人非禮育之甫週趙果見背乃乳諸伯姆諸姆中吾母尤
所嫗愛歸寧必挾之行兄亦依之嬉笑膝下初不知身之非
吾母出也迨繼葛嬖衣履始煩之葛而晨昏寢食則依於祖
妣陳太安人安人外孫傅某援例無資詒產代質於豪右豪
右善乾沒訟之官價半契全不直叔憤擊傷兄足葛身救庇
密倩人舁養外家再踰年始復葛無出愛如己子隱痛搆疾
將革嫂傅割股以愈股瘡甚葛覺疾復作始媳相繼而時亡
嫂于世植有婦誕孫矣人上其事官旌其閭兄懲前轍淑身
心開館課學譽隆一時梅石王某婦新寡若姑及諸伯叔素

賢兄因贅於王氏撫其遺孤然性好結交日納朋友門內弗
支也比二孤成立兄乃旋於家南側廂屋半間僅容一榻一
几煮茗奕棋若將終身屋南餘園散布盤魚花卉四時馥郁
宛若金谷汝兆爲其隘且徑贈一石一木令兄軒於屋外廠
窻曲戶恍若堂奧吾弟君許書隨庵居士四字貽焉字見而
是之曰智哉弟之號吾兄也兄好飭衣冠尋常若佳賓客叩
之則曰隨遣兄好恬退閒靜似枯衲問之則曰隨緣遯其生
平少無乳隨乳於諸姆長無藝隨藝於諸塾壯無室隨室於
梅石老而朋友凋謝隨友於六七兄弟十二三子姪坐幅園
間較晴量雨不隨知世代之更易子姪全佳晨美景揭盒提
壺迭詣享兄於諸弟姪及孩提來者持佳菓啖之或茶或
酒意隨人洽智哉吾弟之號吾兄也時予病目偶傳蘧庵倩

汝兆錄於楮錄畢笑曰佳哉傳也試傳乃兄因傳於寒食之
三日汝兆姓傅里之名士隨論曰人之於世猶魚之於水植
之於時魚不隨波上下多頰尾植不隨候布芸鮮繁碩吾兄
一生隨方合圓秘以自適今被吾弟一字拈出諸弟姪隨兄
遊者清夜捫心果能隨不致隨於是謂和不謂流其用無
窮不然詭隨耳嗚乎可請質之汝兆

癸巳暮春八日赤松蓮庵道人識

嗚呼兄逝矣厥子世植媳嚴氏相繼亡後吾兄者誰哉吾
於兄不能不悲悼焉今續印是傳以表哀痛之情況兄在
日迭年栽護家後松木蔭庇風水蒙其庇者尙念兄之澤
於無窮焉亦存亡交盡之道也

庚申夏日弟國聘拔淚記

雄廿九府君傳

遠庵居士姓張諱國聘字莘起浦江柳溪人也其前生為柴

溪柳氏子牧羊山中臥石厂夢轉為天池府君家兒隨痘殤

如期果誕居士且會奇禽羣集盧舍人詫為異居士幼習句

讀夢寐間恆誦然而無有乎爾則亦無有乎爾二句舉問塾

師塾師曰孟子言今日無人後日亦無人耳爾誦何為信口

應曰孟子其亦人也耶師哂之及長作舉子業則顧若解若

不解然志願高大謂功名富貴可唾手得者日取時髦所謂

必售之文習之句琢字鍊竟不能方其萬一連年不得志於

有司鬱々如窮人無所歸負笈游錢塘時徐楚白先生講易

雲居山寺環聽者數百人居士偕傳濬臣讀易雲居者三年

同堂有桃源王三懷余曰丹者學問中人也慕周海門先生

講良知之學刺舟赴剡居士偶附以行舟次夢先生燕領微
顴左眉半白頭冠方巾身衣藍褶足躡朱履及至宿實性寺
又夢先生告曰勿云勿思爾且于思勿云勿慮爾且萬慮云
之次日先生登堂衣履言貌悉如夢中曰丹舉告先生先生
曰有是哉夢者夢也須覺耳居士大喜竊謂未見先夢機緣
非偶天其俛我爲先生之徒也夫三人相與爲友日從事先
生之學結千里心期社互相往還於桃源柳溪間者數之殫
思畢慮積二十餘年毫無所得始翻然悔曰吾其夢也夫大
道眼前行之卽是吾其夢也夫至是倦遊坐臥一室或時與
嬰孩伍樂其機知畢具啼笑率真然居士老矣居士生平無
他好所好者書出必市書以歸之則束之高閣不一翻閱初
試舉子業不利人謂厄於形家真素先生捐館間取形家言

讀之亦不能測其萬一所厝二親地蓋壬午夏五夢中指也
本無號金華俞公達見其窮大失居規以降庵號降庵今日
蓮庵五十時所更謂一生夢之耳二三兄弟作文記之至比
爲瑗大夫漆園吏又有謂其籓盧天地者俱非居士旨傳因
及之貞素先生諱某居士父天池府君諱某居士大父也
論曰癡人前莫說夢謂夢非真耳居士所夢殊真顧不於夢
覺而覺之於夢無所夢之中日碁途窮歸獄於夢之與覺有
二乎覺夢之覺循環無端覺之夢之冰水不二殆哉居士非
但不可與說夢其殆未可與夢之者歟

赤松蓮庵道人書

此予自傳偶傳之非欲傳之前譜印附聊自嘲耳今重輯
讀之傳予當無踰此若鄭天山道人六句質言余曰丹先

生送歸仙華敘鄭良翼叔公八旬序竊有愧焉敬謝不錄

庚申仲夏二十日自誌時年八十有三

雄三十一府君孝子傳

公諱國相字君輔愛立其號也世稱孝子父慎齋公祖天池

處士代有隱德世居浦江之柳溪孝子賦性柔和秉心齋栗

父病風攣不便於動履孝子扶持起居十有餘載至於丙夜

之間未嘗少離左右求順適親意者靡不周至有產業被右

族侵佔父憤往直府道孝子隨行登山涉水背負手扶途中

旅次見者無不嘖々稱爲古之孝行今世何從得此比及父

喪哀毀飯舍一一如禮不事佛道事孀母一如事父叔伯昆

弟間未嘗見有疾言遽色卽有橫逆之加惟怡然順受絕不

與校與人交誠而有禮無面從無後言然勤於生植致有羨

餘每訪人之不給者而周之有稱貸者不計其子息人感其
慈惠咸贊之曰佛愛立云家居惟延師教子淑以義方樂善
不倦以終其身

天山外史曰昔夫子每以善人不得見爲慨今述愛立公之
行所稱爲善人者非耶或者惜其質美未學無能光大其用
然子夏有曰事君能致其身事父母能竭其力與朋友交言
而有信雖曰未學吾必謂之學矣若愛立公之事親孝與友
信移以事君又何身之不可致而得以不學少之乎余觀今
世之所稱爲學士者盛威儀談性命炳々在人耳目至叩所
爲孝弟忠信則蔑如也無而爲有虛而爲盈約而爲泰卽有
恆且難言之况善人乎夫爲人至聖人之所欲見賢人羨爲
不可學斯亦足矣余於愛立公能不重爲之向慕乎爲作張

孝子傳
天山老人鄭尙藩撰

惠二十公傳

浦陽柳溪箕塘張氏百宜翁素稱訥言敏行人也諱世欽鴈
行四序翁居其長父君求公祖慎齋公世以詩禮傳家雍睦
爲訓翁賦性柔嘉孝奉雙親色笑承歡始終不忘乃父壽躋
百齡嬉々膝下邑人稱爲今之萊子云友愛二三弱弟俱肄
業以成名聲施溢於東南生平最好讀書築書室數楹其題
其額曰瞻極且係之詞曰凡我子孫瞻彼日月亘古升恆時
靡有輟學能如斯應見天則願言自強不息無所不用其極
迄今讀其詞情意懇切雖古之箴銘不是過焉居家雅尙儉
樸不喜華靡至於宴賓朋禮師傅周貧乏每傾囊而不少吝
晚年以齒德推重於鄉邑侯毛公請爲鄉飲耆賓給克昌

厥後四字以獎之元配柳氏安人幽嫻淑慎再娶蔣氏有陶
柳遺風育三鳳長承祖康熙壬寅歲貢生與余同學有年次
承祚幼承祥俱業儒孫男八駿聖恩受業於余弱冠遊庠餘
皆英敏多姿飛鳴固當未有艾也余稔耳翁之素履謹傳之
以誌昌後之券云

康熙六十一年壬寅九月

繡湖廩膳生眷小姪蔣雲從頓首拜撰

惠三十二府君壽序

恭賀

大文宗台翁張夫子老先生五旬壽

甲寅青章月廿有六日 先生懸弧稱艾門下十有四人商

金綵以祝先生曰余不敏未髦年祝何敢承果爾余將杜門
以辭諸生日吾儕素知先生性恬淡無事此繁縟也然際此
知命立德之日不繪圖以獻如無以拜颺盛德何乃相與略
去金綵佐以酒菓而命余敘之余愧不文以兩男執經門下
親炙先生之光霽久矣請得而質言之先生家傳詩禮

學究天人燕居無謾語褻容舍卒無疾言遽色供子任而盡
孝敦友于而克恭躬禮義以率家教立學會以育英才諸凡
有補於名教者不可勝述以是椿枝挺秀棣萼敷榮玉樹森
森河東媲美龍孫濟々飛騰可期皆先生提修而時出之者
也若夫張氏之爲望族忠節者有人理學者有人名宦顯達
彪炳古今乃邑里所稔聞余無容贅矣羣祝先生之年彌
高而德彌邵福益集而名益彰六翮已豐壯圖有待際風雲

而鵬搏九萬摘日月而筆掃三千祿位名且與天地同不朽
矣豈徒曰先生之壽山高水長而已哉謹敘

年家社弟儒學教諭武之周頓首拜撰

陳上珍 武鼎新 武肇新

陳有期 鍾世珩 洪道周

受業門人 石興易 柳遇春 鍾世炳

石邦憲 黃東達 陳道章

陳道珩 陳道煥 仝頓首拜

惠三十三府君傳

嘗讀華封嵩祝竊為斯世所難覯不意於吾 太嶽張翁遇

之翁諱世錫字禹圭號夏玉福德兼隆人也孝弟夙成溫恭

素著困連阡陌不因富厚自盈僕御雲從務必慈嚴交濟而
且減租輕利惠及窮民禮傳崇師書香奕世寬和以處衆仁
厚以居心不欺孤弱周恤親鄰不畏疆禦德服豪英一生行
誼祇恐負慚於屋漏未嘗匍匐乎公庭惟是兢業守百
忍之貽謀宜爾濟之彬之萃一門而稱盛其殆富無驕樂循
理善獲慶者也以故天末其年人崇其德踰杖朝而精神矍
鑠受

皇恩而緝帛頰膺 邑尊趙公欽其德舉鄉飲給旌額優禮於澤
宮焉安人吳氏淑慎宜家育四男或蜚聲黌序或善蓋一鄉
或名登天府無不出類超羣諸孫亦皆敦詩說禮文名顯著
至曾孫輩不異鄭蘭燕桂是誠多福多壽多男子者再見於
今時也苟非公之大德烏能有此故謹傳之

孫壻邑庠生鍾升鳴頓首拜撰

惠四十七府君傳贊

公諱世鏢字允尊號連三世居縣東箕塘張氏余少年時亦

未之親炙也迨弱冠遊庠後庠友有推許學中品行可法者

咸於公首屈指焉竊心儀其為人未嘗或忘後母黨中表弟

凌道生獲牽絲於公之次女道生述其生平更為詳悉謂公

立心誠直制行端方未嘗苟於笑言未嘗妄取非義淡泊寧

靜中饒有卓然自立之風至里黨間或有非平忿爭者悉待

剖於公公以正言折其心以和顏平其氣各輸心悅服而退

此固公之盛德服人亦其明決之才有以勝之也至於起居

出入時與後生小子相接耕者教之以勤讀者語之以理語

子道則勉以孝語弟道相勉以悌黨族間公待之如親子姪

族子姪待公亦如嚴父兄然以故薰其德而善良者不可數計也其於三子朝夕訓諭勤家之外勵以勤讀每有明師良友致敬厚禮延至其家共相陶淑故三子文行俱各蜚聲譽序至諸孫咸追仰祖德遵其遺教各矢志勤學年未勝冠文名奕々斯非所積者既厚而所流者自光歟於是爲之贊曰想公之容靜雅謙冲想公之德柔惠且直禮義自檢寸非不染正己率人風俗斯淳積德昌後燕子貽孫螽斯蟄々麟趾振々奕葉勿替公德常新

眷姪鄉進士樓澧頓首拜撰

惠五十五府君七旬壽序

古之獻壽者不以頌卽以禱頌也者頌其人之品與行也禱則泛爲祝辭而已君子曰此諛辭非所稱善頌善禱者吾謂

凡人之得壽者衆矣有以壽榮亦有以壽辱者吾槩舉而祝之不第近諛且近誣矣如但以壽見有長貧賤以終身者吾卽之爲龜齡爲鶴算爲猿鶴之遐年而其人終老山澤已矣其品不足稱也否則或爲中人爲平等或祝以華封或祝以麥邱亦猶蒙莊之嘆樗櫟陌上之逢三叟生無益於人髦無傳於後其爲行也亦若是而已矣若張公允新則不然公生而頡頏倜儻不凡少卽爲人指名長則馳譽宮庠詩書之瑞珍於芝醴其事兩尊也期恢宏箕冶其遺後昆也不貴金帛至如調先絃借繼篝不狎不譁處賓友族戚中藹如春風遲日有善氣迎人之致故世之聞人名士多遊公之門世之隱君子多造公之室卽世之遊俠輩無不羨公之高而慕公之義者 邑侯晉公聞而嘉之歲在己卯延爲鄉賓首薦余

幸廁僕席見其秀眉玄髮丹輔疎髯翩々若神仙中人有丈
夫子五長承曜次承書幼承賜皆鸚堂譽髦相與引翼後先
貴埒宗廟之四瑚八璉奇侔天廡之駮駟驂會玄繞膝蘭
桂盈堦人世榮康公獨斟之厚而席之全矣因與邑侯協
持是說以聞於上學憲彭遂給行範儒林四字以褒其槩
將以爲世俗風焉公不出而圖吾事公出而圖吾事吾知據
鞍躍馬齊方方剛矍鑠之態不難方駕古人抑將倚毗朝野
彭聃之壽又奚足怪乎今歲甲申七月廿八日爲公七旬攬
揆令辰賓朋在望酌酒陳詩祝壽者有人稱觴者有人余能
無一語以爲之頌乎然余非能諛人亦不能作誣語特採公
之品與行而實著之以紀一時之盛聊以效三祝云

年家眷弟儒學

教諭吳元鉞
訓導汪俊

全拜撰

惠五十五府君傳贊

公

諱

世銘

字允新

號

日新石翁之幼子也生而穎異從師就

學輒曉大義甫弱冠遂補府庠弟子員賦性孝友事親依之膝下孺慕情深不但供旨罔缺而已昆季間怡之之愛至老不衰居家素崇節儉不事華靡待賓客以禮處親友以信應事接物謙和慎密無疾言無遽色度量寬宏綽有太古醅樸之風甲寅遭兵燹之變堂構灰燼公悉鼎新以光大之且出己資以建祠寢雖費多金不少靳焉蓋其報本之志重而財物之念輕也 邑侯晉公聞而賢之請爲介賓復給匾優獎以爲世俗風焉元配祝氏舉丈夫子三長承耀次承昉幼承書繼娶洪氏舉丈夫子二長承暘幼承暄承曜承書承暘俱蜚聲譽序度越恆流孫男十二人家君之次子也撫恩聰穎

過人象勺入泮惜不以壽終三君之次子啓韶亦英年採芹
名馳璧沼中餘皆佩服詩書相繼而崢嶸者方未可量也曾
孫男九人芝蘭玉樹生長庭堦彬彬乎烏衣王謝風流此皆
公積德昌後尊師重友之報也公年逾古稀童顏潤色雖馬
援之矍鑠不能過也固不特福壽男子爲足稱封人之祝耳
余忝姻誼且館其家數載幼子諸孫多受業焉稔悉其巔末
因不揣鄙陋而略誌之以垂不朽云

康熙歲次壬寅陽月

眷姻姪邑庠生徐應傳頓首拜撰

像讚

浦陽小鄒魯也余沐
恩榮知其縣事越己卯年當行鄉飲
酒禮而賓席尙虛其人紳衿耆老咸以張君世銘應迨禮行

冥見之其善氣迎人居然有長者風焉後雖非公不至而迹
 其為人則固有班之可紀者因即其事以為之贊儀容俊
 雅氣度汪洋立心愷惻制行端方崇宗敬祖肯構肯堂濟人
 利物迺積迺倉非無勢力勿侮善良非無禮讓勿避豪強一
 經纘緒三子遊庠克昌厥後長發其祥
 康熙歲次戊子黃鐘月上浣之吉

年家侍生晉 濬拜題

迪十八府君暨安人楊氏傳

浦陽之東張氏居焉遠映仙華近環泖水代出名賢壺範如
 吾岳父母者是也岳父諱承美字以中號純懿夏玉公之長
 子也幼秉異質弱冠遊庠屢戰秋闈數奇不偶奈花甲未週
 遽效冥鴻而逝生平行誼克敦大節事雙親依之孺慕處昆

季怡之式好議創大厦凡經營資費度地庀材一切預爲謀
畫不以分爨貳志孝友之風視諸古人何多讓焉至於朋友
之間資貧周急有麥舟相贈之雅其餘細事盡善難以枚舉
岳母安人楊氏賢順勤儉相夫宜家孀居獨秉家政延師禮
傅以教二子始終不倦是誠閩內之懿範女中之丈夫三子
長仁恩次仲恩育二女長適義邑洪幼卽升鳴配也今張氏
重修家乘乃表行彰德之時因僭筆直書以垂不朽

子婿鍾升鳴百拜撰

迪四十八府君六秩壽序

嘗觀氣運之隆也生聖人大賢其次亦鬱爲名德故當今之
世兩間之鍾靈不少而彌高彌邵者想當比之乃有物恆隻
諸鄉國坊表邁茲等倫者上之可爲

聖天子有道之慶下亦可爲閭閻風俗之光八婺固多碩人而
吾治浦江爲最其人如宋文憲柳文肅張孟兼諸先生其俗
如義門者豈非其地則小鄒魯其風則舊太古乎今張君字
以文者其冢兄以中與余爲筆墨交故其行節質性皆備知
之公小業舉子而奇於數乃日遊行原野或携壺帶鋤或裝
囊策騫宛然一古高散也而積於冥冥之中爲子孫計長从
者則又未嘗斯須去意尤可重者性篤摯積悃以事二人積
愛以處伯仲孝友聲施遐邇叨沐

恩榮例授國學博士今當杜鄉之年其姪經元乞余一言以紀
狀而公之德不勝言也所可言者特大槩耳言其大槩而德
已如是噫其懋矣哉誠不虛鄒魯之地太古之風乎夫土沃
者木茂基鞏者室崇德厚者福峩固所宜也余卜其似續昌

熾臻疇之福五封之祝三也爰爲之祝曰

維浙之東仙華崇薩蔥々佳氣毓爲名宗百忍遺澤孝友
流風允矣君子種邁厥躬金錫其北圭璧其同德旣岡阜
福亦淵泓康強逢吉眉壽何窮噫嘻懿願安得盡若公者
而爲

聖天子祝氣運之隆

康熙歲次乙未春月望日

賜進士第文林郎兵科給事中奉

旨內陞京卿前禮戶兵三科左右給事中分典文武二闈侍郎

楊汝毅拜撰

迪四十八府君暨安人鄭氏傳

切惟王化始於關雎俗美基於女德伯岳思峯翁諱承熹字

以文者元配鄭氏因艱於嗣再娶通州李氏又娶杭郡橋師
單氏此固恆情所難處者而翁詬誅之聲不聞於室雍睦之
氣時溢於庭雖由安人不妨不忌之賢何莫非翁盛德刑于
之化也翁性孝友雙親抱疾湯藥親嘗衣不解帶者數月鴈
行四序怡之式好逮白髮毫無間言至其不苟言不苟取收
租稅以寬待朋友以信御僕妾以恕周貧恤乏三賑饑荒特
其餘事耳以故天報之以慶晚年榮其身

欽授國學博士并俾其子孫單氏弄瓦未幾而熊羆兆夢命名
瑞麟頭角嶄然異日未可量也惟翁德盛所以媿美河洲而
螽斯麟趾遞呈其祥矣敢略表而傳之

小姪婿鍾升鳴頓首拜撰

迪五十府君傳

君諱承曜字以顯日新翁之長子也秉性敦厚持己醅謹自幼力學長爲諸生未嘗有過行惜晚年因疾喪明不幸幼子成室次子遊庠相繼而逝或有疑之者余曰無疑也韓子謂禍福吉凶存乎天賢不肖存乎己蓋在己者可勉而在天者難必君之不幸所謂天也非人也人生大節唯孝與友君之事繼母無異生母處後弟一若同胞固能人之所難能者而且厚於親鄰睦於宗黨時出有餘以周貧乏可不謂篤行君子者耶今者曳杖逍遙雖不接一人不與一事而胷次灑然夷猶自如絕無係累於中殆不啻羲皇上人視世之肯於心而逐々於勢利者何也余與君同進辱知於乃翁最深又二弟聖文旭彩就學於余故聞之熟知之稔每一念至未始不

悲其遇而諒其行也爰於其修家乘為書數言以表其槩使後之人知君之不幸出於天而非其所自取雖然福善禍淫究有常理故君之長子仁序忠厚克家而諸孫繩之亦皆頭角崢嶸則天之降康於君之食報於後方未有艾而豈區區在眉睫間哉

康熙歲次壬寅陽月之吉

柳溪同學弟傅邦煥拜撰

迪六十六府君序

邑中箕塘張氏素稱為仁里也去余家五里許向聞其族

承坦字以舒號純齋者文行兼修孝友並著然猶得其槩也

歲乙未余筆耕茲地因得親炙其為人而知之最悉昆季三人公居其長素習舉業博通書史甫弱冠已名登黌序矣未

幾而卽失怙公哀毀踰禮復念母氏劬勞諸弟尙在幼冲於
誦讀之餘兼理家政其孝奉母氏友愛諸弟者日以篤比其
後諸弟相繼遊庠公惟以學業相勉勵而家事則獨任焉母
念其獨賢勞命之曰家務煩劇汝安能獨理乎正不必膠柱
鼓瑟做昔人同居之義也爰奉母命分爨然每遇艱鉅時與
共處以相商確公爲悉心處置不忍遺母氏憂蓋雖分餐也
而不啻同居矣元配黃氏生五丈夫子冢君詔恩係邑庠生
次諭恩三誠恩四詠恩咸具克家才其幼君誕恩考名謨者
從余遊辛丑歲受知於內翰馬公卽此麟趾森々可徵公
之德厚流長矣壬寅秋續修譜事告竣慕張氏素稱仁里公
其尤者余故樂爲傳付諸鐫以垂不朽云

康熙歲次壬寅菊月

眷弟邑廩生曹德照拜撰

迪七十一公傳

粵稽箕疇之申五福也以壽爲先誠以壽爲人之所難而惟
有德之人乃獲享夫上壽故夫徒有其壽而無其德者一如
陌上所逢之三叟耳烏足傳哉以余所聞浦陽柳溪張翁洵
稱有德而獲壽者矣翁諱承奇字以英自幼習業畎畝仁厚
宅心凡方長巢卵之類槩不忍傷長益辛勤操作寒暑靡寧
性甘樸素以自處不隨世俗之奢侈是以廣置田園鼎新堂
構皆其勤儉之所致也然雖豐裕而仍不改澹泊之風惟日
醇之以勤儉爲子若孫訓食力之餘與世無競人有貸者輒
與之卽有負者亦聽之生平無疾言遽色粥之然一惟禮法
是循以故鄉黨中咸稱爲醇謹善人乾隆丙辰歲邑侯
公聞其德舉爲鄉飲耆賓給匾以獎之今年已登九十有一
蔣

浦陽柳溪張翁傳

二步青錫麟校正

矣鶴髮齊眉繞膝四代尤爲人所難及也曳杖逍遙以優游
於化日光天之下其誰不羨地上之行仙歟余弟契賢與翁
冢孫得鏘連襟稔知翁之行誼因述以告余之慕翁之壽彌
高而德彌邵也遂不揣固陋而欣爲之傳

皇清乾隆歲在己巳一陽月

烏傷庠生眷晚生方儒珍頓首拜撰

迪七十五公傳

伯父

諱承瓚

字爾圭

高之

叔祖

之

耳孫也

予幼習聞其人

願

然

然而長鬮然而雅美髯長鬚齊力過人矢直不回接物則循

之善下年舞象受學於予祖肄舉子業賞其筆鋒蹕厲已而

喪父哀毀逾常旣祥復自從學時同門中嫻韜略者十二三

人就間隨習弓馬踰弱冠應武童試署縣王公校藝三場俱

選第一及試策論詢知予祖爲前陞府毛公西賓兩閱文武
童卷邑人咸服命吏持刺勿言所以刻請到署彌其卷面評
定呈公閱拆請更第一爲二王公愕然詰曰何意對以此受
業姪也恐人疑有私耳公曰屈一爲二私孰甚焉內外並優
夫誰不服遂以首名送學院而入泮朋輩旋來約應鄉試再
三謝曰功名洵足慕也命蹇失怙母孀弟幼家產僅給饘粥
鄉試費繁將賦北門而奚能免於不孝不友之憂乎侍堂幃
而孝敬有加教仲季以耕讀不懈增置產業阜然贏餘朋儕
笑與之語君其圖連阡陌耶應曰不使瓶罄壘恥而已念族
祖遺家廟遭寇燹壞率先謀族建造宗祠宵晝勤勞巨勲刊
載譜牒然於弓矢時常鍊習人謂不赴寶輿焉用是爲答曰
太平之世不忘武備理應然也厥後康熙四十二年我廳被

地聚夥劫穀賴其遺器以保無虞蒞踰強仕卽登仙籍遺命
二子長鏞恩幼鈞恩凡爾子孫能讀須教之讀會耕卽教之
耕此良圖也切毋他爲至今得輪得純士元諸孫遵守勿替
勤儉持家敦倫飭紀是皆伯父身教所致卽高之叔祖一派
人文要自伯父爲之前也迹其一生克孝克友念祖敦宗任
公睦族敬老恤幼文武兼長誠西庠中之傑出者懿行芳踪
宛然如覩惜今爲廣陵散矣特爲傳之以示後賢法云
乾隆三十六年歲次辛卯季秋月

族姪濡恩撰

迪七十六府君序

張君諱承祖字繩武鄉貢進士也祖君求翁孝友睦姍明崇
禎末清順治初嘗兩舉賓筵父百宜翁復以齒德重鄉評

邑侯毛公亦首薦以旌之蓋忠厚傳家而累世饒裕者也翁
配柳安人艱於子次娶蔣安人生三子君其家也君年穎異
能文甫弱冠輒遊庠旋食廩餼性孝友事父母暨祖母生母
俱委曲承懽色養無間年二十而翁亡時大弟十二歲弱弟
方七歲幼妹尙未週歲撫之成立比長俱爲嫁娶焉君飲食
教誨待猶子一如己子後以食措繁分居析產無絲毫自利
兄弟恭怡之不容其鬻者然配賈孺人事尊嫜以孝處妯
娒以和少而琴瑟靜好老則諧老齊眉丈夫子三長聖恩遊
庠已人名震文壇次聯恩兼治農商事幼聞恩復繼書香攻
舉子業孫男四人俱爲鳳毛麟趾時蔣安人行年八十有四
康健若少壯猶督耕織事不休當歲序君率二弟及子若孫
諸子婦孫婦奉觴上壽眼看衣冠四代真天倫樂事也人咸

羨爲

國家祥瑞云

贊曰

言忠信行篤敬參前倚衡夫然後行君誠佩服聖人之訓者哉生平謙謹不敢上人從未見有疾言遽色惟欣之然笑容可掬而已鄉黨庠序重其行而聞其名者僉曰某誠好修士也某誠君子人也余與君備員膳堂近四十年今余沐

恩先釋褐而君屆期先是曾有擢越預爭者而今安在哉君介其上下絕不爲意非度量卓越能如是乎其爲忠信篤敬之士不虛也則余言固非阿好矣

皇清康熙庚子壬寅孟冬之吉

鄉貢進士同學弟樓承順頓首拜撰

迪八十四府君傳贊

君諱承堪字以任沛川其號也居浦陽之東浦與義烏接壤

余所居與君尤近相距祇十餘里世代連姻其間風俗人

心文人秀士無不盡知之若君則其卓之者矣君狀貌

魁梧生而聰穎年甫十六遊邑庠補弟子員事父母至孝處

昆季友愛淳厚以居心端方以制行言語必信舉動不苟而

又春風和氣藹然可親與人未嘗頰頰內而宗族外而鄉黨

莫不嘖之稱善以為其人生三代以下實為三代以上之人

也居家嚴肅井之有條恪遵朱子訓而自奉儉約飲食衣服

綽有似氏風焉生平最喜讀書凡經史百家靡所不覽隆師

重友以紹書香嗣君諱偉恩字鴻儒邑庠孫諱德燦字載明

弱冠遊郡庠後先繼美綿々不絕皆君志行矯々謨烈躬承
之明驗也交遊則歲時臘酒族黨言歡悅親戚之情話又問
以其暇日邀一二同心寄情山水適志琴樽此外俗事皆其
所厭棄而毫不關涉視彼役々於勢利場中而逞才使氣自
以爲能者不啻逕庭也 邑侯邢公聞而賢之請爲介賓給
匾優獎邇年載明過余家西園肄業潛心嗜學每月以文就
正於予々喜其筆下不凡將來未可量也所謂英々國器非
耶譜牒告成載明請余爲之傳余謝不敏然誼屬通家其何
能辭因并爲之贊曰

仙華之靈浦泖之英魁梧其貌聰穎其性沉潛嗜學弱冠蜚
聲孝事父母悌接友昆居心長厚制行慤誠舉動不苟言語
必信春風和氣藹然可親宗族舉仰里黨咸欽督理家政肅

蕭整整山水適志詩酒怡情親朋之外世故日擯淑配楊母
育子成名績諧邊媛孫蕃衍曾麟祥既兆鳳彩還增維天眷
德允祚靡罄俚誌梗槩 紫誥待旌
康熙歲次壬寅九月既望

華川鄉進士年家眷弟陳其鼎頓首拜撰

迪九十二府君傳

翁諱承煥字唐侯夏玉公之幼子也雁行四序幼好讀書姿
英罕匹探百家之粹語窮諸子之精言長列宮牆不營青紫
覓江湖之勝槩訪山島之幽踪偶寓姑蘓葉師尊家朝夕講
藝至倚門倚閭及兄弟孔懷之章竊恍然興歎曰歸歟歸歟
毋煩父兄之懸望也於是承歡膝下聚首荆庭得親之心養
親之志恭兄不踰其則弟道不衰於終至於立身行己則緘

口如瓶以守默大智若愚以守拙非法不言非禮勿履怡然
於族黨之間而且肯堂構以貽孫子助祠基以報宗功延師
傅以淑胤嗣出餘粟以賑饑荒雖席富履豐而樸素自持其
殆三代以上之人也元配吳氏未育而亡繼娶陳氏婦道克
循和丸訓讀育三男聰明特達書香之繼將來正未可量予
忝至戚稔知翁之行誼因修宗乘敢表而傳之
康熙歲次壬寅菊月

姪婿鍾升鳴頓首拜撰

迪一百二府君傳

叔諱承祚

字

以求

號

日旋伯宜公之仲子敦行人也鴈行三

鳳威習舉業穎悟超羣方磨勵於芸窗奈萎摧於靈椿時方
象勺而寢苦枕塊哀慕悲號及附身附棺之禮要皆曲盡其

儀母慮諸子業儒家務誰勞因曰冢兄幸列宮牆須營情進
取幼弟未諳世故門戶之役汝當應之順承孀母躬理家政
昆季怡々至老無間待姪輩猶子比兒嬰金氏柔順宜家相
夫增業育三男長倫恩次仕恩幼俸恩耕者督之力勤讀者
使之就傳諸孫岐嶷麟趾振々異日之書香可待稍有餘力
則博玩羣書時製膏丹賑救疾苦遐邇沾恩爲人持己以敬
接人以恭惡言不發於口悖行不出諸身忠厚宅心寬和諧
俗不取非分之財不飲無名之酒恤親鄰之貧乏解族黨之
紛爭崇先而力任祠事裕後而廣行勝果小節無出入大德
不踰閑謂非敦行之人哉秦董譜政分在傳真不揣鄙陋因
以所見所聞而略傳之

皇清康熙歲次壬寅應鍾月

再從姪秦頓首拜撰

迪一百五府君傳

先生諱承書字聖文號雅一日新翁之三子也自少志期遠
大力學攻苦弱冠遊邑庠因長兄喪明乃翁委以家政一起
棘闈而輒自量曰吾力弱不能冲舉吾勢阻焉能奮飛功名
之念淡如也少年失恃事繼母彌謹處昆季怡々凡有翰墨
辭章諸子百家之書見則市之以備考究更不吝於施與遇
歲歉賑濟迭蒙憲旌表非輕財好義其孰能之又有傅邦
魁盜葬北愚山犯一族之來脈勇敢向前結訟遷移則楊
公少叅語可見此又非識量之恢宏烏得有此也適康熙壬
辰年祠廟拜廳傾頽寢室神主未崇其位先生毅然首倡設
席會衆捐貲鳩工庀材整葺拜廳顯廳寢室門牆廊廡更而
新之尤所難者躋神主上座一切祭規家儀之制董修族譜

之倫贊定之力居多此又繼志述事之大者也元配黃氏卽
式姊也溫慈淑慎克盡婦道惜也年止四十五而亡生三子
長馨恩克敦本務次殿恩出繼仲兄業儒能文三啓韶蜚聲
黌序篤志爲學焉知鵬翅之不大展也二女長澗虞啓模次
適方允素繼娶吳氏生二女一子名毅恩尙懷抱先生處之
有道先後之間無異言衣單之患無有也今行年五十有三
觀其上承先緒下啓後昆拓基址而肯堂構恢先業而廣菑
畚桂蘭玉樹森々振々先生顧而樂之泮奐優遊精神強固
將壽躋耄耋期頤以待

紫泥誥封贈曷有艾耶予謏陋無文因屬內弟約舉之以爲傳
尙俟後能文者詳悉焉

康熙歲次壬寅小春之初

內弟邑庠生黃

式

頓首拜撰

迪一百五府君贊

溫良恭儉 孝友睦淵 光前裕後 惟一經

周急賑饑 慨然出贏 祠宇幾頽 董理謀新

會計公稅 始終一心 北愚截脈 往直公庭

使彼遷葬 保障生靈 優游泮奭 樂守天真

積德斯昌 子孫振々

康熙歲次壬寅小春之吉 從姪秦拜識

迪百十二公傳暨配蔣氏安人贊

張君諱承祥字其旋號長發柳溪白宜翁之幼嗣也少孤長

與余同學恬靜端莊不苟言笑朋儕咸敬畏之構文務以高古自擬不肯俯涉時趨稍有一句一字不愜意默坐沉思終日擱筆不下恆至竟夕不寐乃完篇先生嘗面命曰汝文似

道學格言若以之應試須當改絃答曰讀書原以講明道學耳豈徒爲弋取功名計乎如是者率不改以故屢試輒蹶終不得志於有司中年絕意進取延余課其二子子文不泥古見卽怒撤其稿并諷余須以先民是勗勿以摹時爲誨余默受之私語其子曰乃翁誠古處也其日前不獲售者正在於此未幾冢嗣竟以時藝獲掇芹香親朋咸集稱賀酒席間談及其子試卷輒艴然改容謂豚兒以幾句時話僥倖青衿諸君子抑何卑之無甚高論耶座客有不知君之平素者聞之驚愕翻笑其爲狂也及聆其言論睥睨一切而經史典故隨叩隨鳴始知其胷囊括富有志趣卓絕不在區々時下詞章也居家嚴肅整齊處物和光坦易晚歲尤以詩書爲樂錦以杯酒爲生涯陶々遂々怡養天真惜年近邁甲脫然物化使

余今憶之恍遇諸月落屋梁間也吁若君者殆一如東坡之一肚皮不合時宜者歟

乾隆癸亥荷月

同學弟鄉進士曹德照拜書

讚

蔣氏安人予堂伯姆也孝奉孀姑敬事夫子三從並美四德兼優中饋豐儉合宜教子慈嚴交濟是以妯娌咸景其柔淑族黨共欽其懿徽

堂姪贊拜識

迪百十七府君傳

族伯父

諱

承產

字

以恆勤儉醇謹人也業農性最仁厚幼時

不折方長不毀巢卵不漁枯澤牧牛一頭驅至牧所左手執繩右手採芻或語曰汝何愚乎盍放之曰遍墊百穀也放而逸於田所傷必多其如壤人血汗何比稍長也嘗與兄當暑

而芸炎熱不可耐勸兄涼於綠陰之下已獨往耘兄詰之則
姑答以吾體固不畏熱時長者稱其深得任勞之道諸兄分
爨得出僅二畝耳勤勞種植計其所獲十倍於人而數口衣
食裕如時常訓語婦子曰男不耕則受之饑而耕晚矣女
不織則受之寒而織晚矣彼爲不義之徒饑寒迫之實則
皆自不耕不織中來也識者聞之嘆賞謂是農家者流味其
言雖聖人無以易人有瘠壤貨而不售者以價受之力畊數
年則磽土盡爲肥田矣跡其一生人棄取之人取予之以此
殖業家貴阜然殷饒老年鋤雨犁雲其銳過於壯者聞與亞
旅講桑話麻課晴量雨熟於陶朱氏之書往來阡陌鼓腹而
歌皞如三代之遺民也病而囑其子勿分居三子長院恩
次隱恩幼鄧恩同居肯堂肯構克繼乃父之志予樂爲之傳

以爲世之畊者風他若端方良善一切公家言槩不欲砌嫌
陳也 昔

乾隆十四年歲次己巳菊月穀旦

族姪邑庠生濡恩謹識

迪一百十八公傳贊

張君

諱

承增庠

諱

彪

字

漢恭

號

凝齋余嘗於赴試時得晤諸

府庠旁舍接見之初兩不相識及分坐各道姓氏乃知爲同
邑友見其形凝然其神朗然而其情却又灑然真有出塵風
格余兩人遂於是訂交焉旣而閒步庠門相與遊目雙溪之
勝遠眺芙蓉鹿田之奇談八詠之來歷想初平初起之遺踪
欣然忘倦不覺日爲之移爾時私心是幸得淡雅良朋相見
恨晚無何君之居址在浦之東與舍間相去四十餘里郡回

之後終歲不晤自後每值考期各相往還如初丁酉歲君適
命令嗣勸恩負笈而來訪余於齋中執經之暇見其舉止恍
與乃翁相肖絕無輕浮淺露之意未幾從學後遂以遊庠矣
因詢其家之巔末與乃翁之素行勸恩悉縷述焉謂家大人
愛樸而惡華好靜而厭躁從厚而革薄王父母在日晨昏奉
侍色養無怠家庭之內色笑親承真覺太和翔洽其於二伯
父也雖各爨理家而愛敬中存未嘗一日或忘其待下也督
之以勤復撫之以惠其與人也接之以禮復輸之以誠且勤
勞家事之餘翻閱書籍訓子勤學余聞之益爲欽慕殊覺向
之所得者其槩而今之所聞者其詳尤所異者余與君遊有
年錢穀家產未嘗片語道及斯又非所謂淡泊寧靜志不在
溫飽者歟爰贊之曰

欽君之神嶽峙淵澄慕君之品玉潔冰清塵俗不染樹德日
深孝友自盡忠敬持身不戾於俗不易其貞齊家訓子式玉
式金允稱方州之坊表無愧膠序之良朋

乾隆己巳年九月

年家眷弟鄉進士樓

澧拜撰

迪一百十八公七旬壽序

恭祝

大封翁漢翁張老年臺七秩榮壽

孔子嘗曰仁者靜又曰仁者壽蓋仁則必靜之則必壽不爽

之符也余自庚申奉

旨承乏浦陽於茲六載幸諸君子不我遐棄飲射讀法之餘合
邑芝宇幾盡覩焉壬戌童試得張子德鈿者年甫弱冠而文
詞卓鍊馴雅清真逆知其家學淵源殆有自也次年學憲

彭公錄取入泮遊庠之日謁余於署言及家世知在重慶父

諱曰贊字贊士祖諱曰彪字漢恭余於贊士雖不能朝夕

與借而課藝論文間亦來會年於漢翁雖耳熟其芳名從

未一瞻其令範細詢之乃宮牆耆碩韜跡林園者也始嘆邑

有高人音遐金玉俗吏之羞殆不免矣心竊慕其爲人所在

大問訊因悉其生平不矜聞達不出戶庭喜讀書好施與睦族

黨洽比隣則所謂仁而靜者非漢翁其人耶詩咏文王之

仁曰振之公子振之公姓今漢翁以仁厚之澤而舉案齊

眉森堦玉秀長男贊既蜚聲贊序次男資復策名天府幼男

賢亦望重成均孫德鈿以少年拾藻而且一索得男四世衣

冠滿堂雍睦麟趾之詩不可爲漢翁贈耶今年春余因公

過里造廬請謁乃托以他出見拒所謂伊人抑何可望而不

可卽乎時有里人告余是年冬爲翁七秩誕辰來年爲淑
配黃太孺人七旬壽且余竊計於此時登堂拜祝豈復能托
以見拒哉無何予於八月有奉化之調驛使星催匆々就道
蒹葭素願竟勿克償雖瀕行致別使人捧彩煥蒲輪之額以
贈而寸心惓々終勿釋也茲因奉檄來省適有浦邑孝廉張
君聖爲緣試禮部南旋與余旅晤具道漢翁華誕將

屆欲集親友製錦以祝而并屬序于余々笑曰君等何其愚
也凡祝之云者恐其未然而冀其或然者也以翁之靜而
獲壽不啻山之靜而有常今已年躋古稀而聞其顏如童子
視履考祥則由耄耋以進期頤而膺鳳誥被榮封固必至
之數也又奚俟於祝哉孝廉曰理則然矣然予與贊兄幼同
筆硯情關兄弟今漢翁際懸弧之期膝下承懽少長共集

沈陽林海內尺牘詩卷之五
二道行錫麟校正
委邀同類共助斑斕亦惡乎其不可哉余思仁如
漢翁旣
以靜而獲壽况逢

聖天子尊年重道如
翁者將迎以蒲輪而作熙朝三老矣斯
時余雖爲之執鞭亦所欣慕又何妨先借是序以慰蒹葭之
願遂不辭鄙陋而欣爲之序

大清乾隆十年歲在乙丑一陽之月
賜進士知浦江縣事辛酉甲子浙闈鄉試兩科同考官奉
旨特簡寧波奉化縣正堂加五級紀錄三次

年家眷弟龍雲斐頓首拜撰

迪一百十八公暨黃氏孺人像贊

恭賀

漢翁張
老先生雙壽喜容贊

予自乾隆十年蘭秋到任久耳芳名未獲識荆旣而
得鈿抵署屢以課文相貺好學不倦鵬搏可待益知其家學
有源矣今秋奉學憲牌飭赴潭府宣講
御製訓飭士子文得以親炙其道貌復瞻其喜容宛然相肖不

禁躍然曰翁誠上庠推重齒德俱尊者也覩其光儀晬於面
而盎於背挹其丰度擾不濁而澄不清靜好咏明星舉案對
和鳴之賢淑燕貽穀孫子盈階繞青紫之琳瑯四代集慶於
一室鄧林之木可干霄其殆未享福壽於無窮矣乎當茲大
耄伊邇晤虎頭親寫其真惟靈臺一點在傳神阿堵中其偉
貌之儼然在望也殆將顧之而悠然曠適樂也融々樂也洩
々蓋有心不能傳之口々不能喻之言者呵々

思齊張孺人黃氏和順肅雍生於腴而不驕歸於腴而不侈

奉甘旨而色養宛然一桓少君也斷機絲而勉學輝映樂羊
 子妻也熊胆和丸助子辛勤後先柳仲郢母也既獲安貞之
 吉宜永福履之綏茲當年逾古稀君子咏偕老桂蘭如立竹
 藍袍紫衣滿階馥郁孺人其得全者全昌乎昔唐郭令公
 為其壻趙縱寫真先令韓幹寫復令周昉寫莫辨其低昂趙
 國夫人曰二畫俱似前畫恰得趙郎容貌後畫兼得其神氣
 性情笑語之姿今與孺人聯寫之天上雙星人間並蒂性
 情與笑語兩相視而兩莫逆其喜蓋不勝言矣

大清乾隆十三年歲次戊辰臘月穀旦書于浦學署內

儒學司訓五雲年家眷弟施延功頓首拜撰

恭祝

大碩望漢翁張老太翁八秩榮壽

黃石授書奕々公侯世系彤廷進鑑英々文獻家風箕塘綿
瓜瓞之昌柳港毓魚龍之化雍睦踪追百忍淵源踵接兩銘
惟々老太翁年同渭老德媿申公丰度玉壺冰貌言常淡襟
懷銀漢月名利胥鎔儀型里黨共矜模範宮牆成式風高罕
樂柱史獎旌彩煥蒲輪臺諫褒贈曄々長庚采曜灼々寶
葵光明桂郁蘭芳並綴滿庭景色鳳毛麟趾遞承奕葉家聲
燕也叨屬葭莩之親素切斗山之望疇日驅駒仕路每繫思
於花隔雲端今正肅袂錦堂獲沾教於春融席際松蒼柏翠
雋氣凌霄玉潤芝輝怡顏映旭茲臨葭管回春之侯適值蓬
壺宴耆之辰貴族束綵稱觴屬余草章申誦俯辭不獲興言
單厚九如仰讚奚窮謾效華封三祝天開子半瑤核生仁福
位疇中大德必壽工部梅花十五四壁珠璣東方桃實三千

百珍綺麗奉設管抒里句趨庭晉祝遐齡

淵獻陽初復耄登算正長冠山恆毓瑞泖水永流祥仙露零
珂里卿雲繞德鄉景開申今日泰啓鳳鳴陽耿介方南海冲
容步曲江圖書窺突奧翰墨聚裝潢孝友聲名重箕裘德業
光庭前三鳳舞堦際六龍躋嘉種胎心地天糶裕太倉金籌
添海屋葦矢挂扶桑著節乘時產莫莖應候芳綺筵慶鴻案
玉樹和瑤簧南極星圖燦東瀛仙客忙紫輶延玳席青鳥點
霞觴溪柳欣舒翠嶺梅淖吐香春風披綵袖竚看拜封章

賜進士出身知雲南開化府文山縣事辛酉科文闈同考官推

陞陝西鳳翔府隴州知州

誥封奉直大夫加一級紀錄七次姻家晚生朱興燕頓首拜撰

姪 馨恩 宏選 鄧恩 彬恩

默恩 聲恩 推恩 虞恩

麟恩 元恩 福恩 幹恩

禎恩 良恩 毅恩 濡恩

隱恩 院恩 英恩

孫 得隆 得榮 可久 得鏘

得灑 全頓首拜

祝

乾隆乙亥歲次黃鍾上浣之吉

迪百廿二公傳

浦陽柳溪張氏磐逸公 諱達 字升侯 生而岐嶷 好讀書 不慕

榮利 父台生先生 文壇主盟也 一日病 日革 公方九歲 跪而

泣 曰 何以命少子 台生先生 囑曰 吾祖之命 吾父也 謂天下

第一等人是讀書父亦以是命吾吾亦以是命汝公誌於心
而不忘諸兄分爨乃自就傅力學舞勺成文深見賞於汪澄
齋先生語公長兄立侯公曰君家淵源其禪在玉季乎既冠
遊庠博極羣書常之瞑坐一室神繹理趣有得便欣然忘食
爲文清新俊逸自達所見不喜隨時俯仰曾繒關先生梓其
課藝行世 閣部大學士朱公撫浙選取兩浙名士親課於
紫陽書院其時至者皆後先第甲獲售公在選中以病日不
至平居閒靜少言性嗜酒獨酌少飲輒醉二三知己宴集徑
不可以畢數計醅醕而笑儼然羲皇上人凡有感於風雨陰
晴禽魚卉木人情之變遷冷煖一一發之於詩詩亦不刻意
求工晚年翻閱其平日所作四書文易藝及詩賦稿有不愜
意者卽焚之則其學耄而益進教子諄切有法嘗語次郎君

曰遇不遇命也讀書須爲天下第一等人今觀其所書以示
子作文者篇法須是脈絡貫通段法須是奇偶相生句法須
是長短合節字法須是賓主對待作詩意要曲折貫串體要
高古渾厚句要雄偉清健趣要幽深淡遠作賦法音要倡和
闔闢韻要清濁協律辭要呼吸相應局要布置謹嚴吁是非
深於斯道者不能道斯也可謂好學之君子而世其家者矣
次郎君早年采藻諱濡恩與予善契云
乾隆十四年己巳菊月
五雲施延功撰

迪百廿五公傳

堂叔父

諱

承賜

字

旭彩

庠名有光

族之文行並美

人也幼負

殊姿勤學不怠

行文每能自出新裁倣古而不泥古弱冠首
選遊庠後復屢試冠軍志期遠大六赴棘闈懷璧不售非其

文之不工也特其命之不遇耳生平最好讀書延師忠敬課
子維殷所不待言凡族黨子姪能讀書者務爲誘掖獎勵以
鼓其成至有家匱不能就傳者不忍其目不識書招之門下
親爲教誨且給其紙筆絕不計其修儀其存心愷悌用意忠
厚固有超出尋常者矣性雖嗜飲微酣輒止月夕晨窻手不
釋卷以故星歷與堪輿家書亦靡不習熟於胸中而時語吉
凶之理以示人趨避居家雅尚節儉不喜華靡事孀母先意
承志處昆季友愛怡々遇險途則爲修理以通往來值歲饑
則出倉廩以賑貧乏種々嘉行不能縷述尤所難者於康熙
壬寅歲深其報本追遠之心展其敦宗睦族之志董修家譜
以承先緒而啓後人晚歲築室數楹軒朗其體制幽雅其庭
除以文行並美之人優游寢處於其中不洵稱君子攸寧耶

配安人嚴氏賢淑柔順無忝姆儀育三子璿恩玠恩玠恩成
具克家才孫男五人頭角已露諒必克繩祖武余幼蒙叔父
誘掖勸勵之殷至今耿耿不忘因謹爲之傳以誌之
乾隆十四年己巳菊月上浣之吉

堂姪邑增廣生宏選謹識

文十四公傳

醉逸張兄諱仁恩字秉元束髮時偕予共事先君覩兄姿學
超羣心奇賞之卽諸友亦心服之意其破壁飛騰光耀門閭
無何芸窻勵志靈椿忽凋萱堂繼逝王父登仙疊居喪次者
九年朝夕痛傷以致憂勞成疾而且數奇不偶盤根錯節諸
艱畢集以故寄情世外得趣杯中無論享祀燕賓飲必醉之
則臥家事之豐嗇槩不爲計塵世之是非頓屬兩忘儼然羲

皇以上之人焉然雖絕意功名而漁經獵史其殆中心好之
無日忘之者也至於應事接物不尚文飾敦孝弟篤親友樂
施與種之行誼無慚幽獨元配鄭氏未育而逝繼娶傅氏琴
瑟調和育五丈夫子皆森々謝庭玉樹生二女不取聘禮且
有妝奩尤出於俗情之外聞之積厚流光以兄之力學敦行
雖未見知於世應必發祥於子孫也誰謂止於醉終於逸而
已哉

烏傷庠生同學弟蔣

聲拜撰

文三十八府君傳贊

浦陽之東有張公者

諱詔恩

字綸言敏齋則其號也性醅而

謹品潔而方紹五代之書香而弱冠遊庠晚年得嗣乾隆庚
申舉爲郡介賓蓋純齋先生之令嗣昆季有五而公居長具
幹理才其持家也儉而勤其處世也溫而介作事慎終如始

絕無驕吝刻薄之意故族黨間嘖之稱有禮焉潮溪黃宅子
妹丈家素與公誼屬姻親閒從酒席間道及公生平行事聞
之不勝忻慕是時公之爲公猶於親戚情話中得之然而未
之見則未敢信也迨今年春承公愛謬叨西席得親炙焉數
月間携樽賞日對榻論文時予竊又私心大喜曰不圖前日
忻慕濃情至此一快特相見恨晚耳豈知道範寡緣是秋予
且志戈科名而公已飄然西逝噫如公者殆所謂高人雅士
未易未接也耶爰不揣謏陋而爲之序其大略并贊云

猗歟我公岐巖出塵克家著美庭訓恪循友于羣季抱性
率真惟言訥之惟氣恂之懷忠履信睦族娛賓望重東膠
遐邇欽寅古道君子懿範難湮

皇清乾隆甲子臘月

眷小弟繡湖廩膳生樓宗燾拜撰

文四十三公敘贊

己巳秋九月上弦柳溪積玉齋中桂大放香襲几筵予與載
明張先生掇香攬勝散步齋前忽見桂旁紅槲數十開笑曰
獻叢子粒之明珠槲枝中北望隱之漏見孤松挺立古秀不
羣俯則清逸君子含葩欲吐亭之疎立可愛也適旁有一石
榻二人並坐劇談相賞久之先生顧謂子曰花爲識者賞書
爲曉者傳名爲德者彰品爲見者真堂伯父諱推恩先生之
令岳翁也族中重修家乘乞一言爲翁誌品可無庸他囑矣
予瞿然起曰嘻難言也先是翁嘗自謂幼嗜誦習志紹書香
奈數奇不偶上而嚴君喪明代理家政也早昆季三人予居
長次第撫恩遊庠乃不假年而與幼弟俱逝至汝岳母傅氏
安人淑慎溫恭生三子及汝姨兩姊妹乃中年棄予而亡後

續絃朱氏亦僅相聚十餘年長男得斌又早逝一生苦况備嘗天倫之樂予何有哉今老矣無能爲也願與二三同志計出入課桑麻援古証今優游於化日舒長已爾述言罷余以不文辭明日先生又出示余曰際茲佳節落帽遺風猶昨也爰一追登高軼事何如余應之曰唯唯於是步園林向隔水東遊至新橋岸見鷓鴣船數十整整斜斜從流上從流下而鷓鴣亦載沉載浮相與毆逐乎江中余二人一時臨羨徘徊不忍去已而踰球嶺登夏巖涉川西向轉自箕塘只見黍秀滿畦高翼之蒿花遍野白暄之眼前勝景蓋不減昨日桂下風味也正話間忽有一翁自桑林來衣冠古偉杖履從容陶陶自得先生又顧余笑曰來者得毋是令岳翁乎老而益壯平生遇雖困而一種古逸之品當擬諸松菊閒也言已天晚

促歸爰不揣謏陋略叙所見所聞者而爲之

贊曰蒸之髦士皞之王民和光抱樸履素懷貞謹愨持躬
情常耽於隴畝謙冲處世足不履乎公庭敦孝友而睦族
督兒曹以儉勤懷葛風範恬濬胸襟宜乎壽而夔鑠永享
福祿於無垠

乾隆己巳秋重九後一日

子壻邑庠生王守雯頓首百拜撰

文四十四公傳贊

翁

諱

濟

字

鴻儒

號

尚志柳溪泃川公之子也性孝謹才慧過

人自幼失恃事繼母先意承志待諸父兄弟一惟禮法自循
家世以詩書著美翁克承家學蜚聲黌序平生喜擴基址肯
堂構凡一木一石皆必親自裁處族中增輯宗祠翁不惜捐

古賞以勸之尤情重師友忠而且敬始終如一凡親朋有托
必竭力營幹遇公憤輒大義落之懷坦白人有構事向翁
處決者翁不憚面斥其非然一見悔服卽不留隙歡然如故
以故鄉里服其公直皆倚重焉至若助聘助葬葺路葺橋建
亭建庵一切樂善好施周貧給乏義舉不勝縷述郡邑廣文
聞其行誼皆給匾旌之辛酉春又公舉爲郡介賓於今四世
一堂詩書繼美食餼遊庠聲名鵲起蘭英鳳雛幼來耆方未
艾也則翁之所爲光前而裕後者豈僅耀一鄉輝一邑爲閭
里榮已哉梧與翁閒六七里許蒙翁延爲西席二十餘年稔
識翁之行誼故略敘其槩而爲之

贊曰

剛毅之槩坦直之躬解紛排難周困恤窮克孝克仁且敬

且忠敢作敢爲維義維公季布之諾仲由之風教孫誨子
成躋芹宮堦蘭庭桂欣之向榮積善餘慶并竣

朝封 昔

皇清乾隆歲己巳菊月

眷姪郡廩生鄭爾梧頓首拜撰

文五十公傳

潛溪宋太史云學不可背古亦不可泥古未之能行唯恐有
聞苟纏蔽於章句之末待合時宜而後行將終身無可行之
日也夫然本其七世祖分派堂伯諱聖恩字志時洵不可沒
矣伯幼承鄉進士公庭訓學有淵源立境弱六齡冠軍遊庠
復寄游諸名宿之門析疑辯難儕輩罕出其右然搦管必欲
駕秦漢而上之不屑之向時藝討生活謂昔賢人也我亦人

也夫寧不可自我作古乎屏去一切冗務埋頭端坐若四廟
無人者自題壁聯云孝友出於性生文詞鍊其奇古到今手
澤猶可辨認是心知有是非不顧有棄取例歲試以一十有
七鄉闈赴以一十有三逞其傲岸所如多不利時與新進少
年議論齟齬惟隱悼曰吾奚用與彼競短長哉或有唾其面
者自乾而退喪葬考妣俱稱禮鄉鄰有喜不貪奔賀戚友有
急不勤往訊畢生饜飫服飾不以食膾炙爲甘常淡乎其有
味不以刺文繡爲工自黯乎其有光一日齋案有友來游私
携其稿數篇徑去伯檢知之時適大雨不傘冒濕追回善細
楷書凡手編卷帙戀々若鷄肋人誚其矯情立異識者以爲
直而不曲方而不圓憤而不激怨而不怒古儒中清高之流
亞歎祀先惟豐惟潔訓後以儉以勤年逾六旬外或勸之曰

盍告給衣頂以謝風簷寸晷之苦伯云吾在世一日則讀書
一日當應試一日况精力未曾減耗居鑠院中揮灑自如不
見其苦適得其樂奚以謝爲宣聖曰君子有三戒伯謹飭襟
度善葆性精所領者深矣宜其享壽添申公之額淑躬儷南
容之圭真古儒中清高之流亞歟元配傅氏伯母舉一子男
繼娶黃氏伯母孝奉舅姑順相夫子舉三子男孫男曾孫男
慶符蟄之之章今其令孫貴義貴虎兩姪走譜局告子曰先
祖考雖竣當必有不與俱歿者願丐叔出一言綉諸譜俾來
孫仰瞻先美本憶童試時嘗隨伯同舟次同寓舍又居宇連
廂因敬撮大凡書如右或言之無文俟伯賢後裔起而訂正
之贊曰

國家久道化成吾黨之束躬詩禮者罔不爭自濯磨勉立品與如

族伯志時公歷七十餘之寒暑軒渠文史謹守端方以視夫
舍其田而芸人田者其相去爲何如耶

嘉慶乙丑冬至後二日之吉

堂姪增廣生德本拜

文五十三公傳

余總角稔聞諸伯叔祖訓首以敦本崇實爲尙一時儀儀師
師類多古厚風而從叔有諱倫恩字學明者尤爲醅謹而守
禮其性樸而誠其心和以厚肩甫及几遇尊長卽知讓席人
咸謂其少年輒有老成禮意焉生平口乏雌黃雖三尺童子
絕無片語詼諧簡淡之情寡交戶外自奉之約翦韭園中出
作入息恆有優游自適之趣和易謙冲幾有唾面自乾之風
一生所爲逸隴畝而絕跡公庭也昆季數足河東輝生花萼
惟以色笑承歡無溫清定省之或愆且能率淑配金氏勤勞

紡績敬奉舅姑至於臨終猶惓惓以善事公祖囑子若媳迄
今叔祖日旋翁年逾八旬精神矍鑠雖翁福壽之隆亦其三
嗣得瑜得琛能承父志以善奉乃公祖也從叔聿聰乾滋等
常愛慕其人欲誌不忘命予搦管書之予竊愧言輕不足爲
公重第以公歿越有年矣猶令兄弟子姪輩繫想追思則其
生平之制行居心固已約略可覩云

乾隆歲次己己暢月

從姪郡廩膳生德燦拜識

文五十七公傳贊

蓋傳以傳真必言與行符而傳足以信今而傳後也吾宗兄
訓方諱諭恩誨庵其號純齋公之仲子也少有異志銳於燈
火以遠大自期嚴君由黌序而享賓筵年齡遲暮而孟季昆
玉閒俱以篤志芸窗遂捐舉業獨理家政克勤克儉致孝致

敬尤其難者奉養繼母至老不衰長兄上曰優入泮宮三弟
元能四弟咨周俱習儒業五弟爾登 欽授貢元而兄之孝
友篤於家庭德行服於鄉黨視彼雁行會何參差非同爲克
家肖子乎惟是中年艱嗣而兄夙有刑于之化是以逮下能
仁小星淑慎元配鄭氏生二女庶配金氏天眷乃德時兄年
五十有五而生一子名得啓六十有四又生一子名得吉珠
從老得寧馨真足羨也弟屬同宗監兄善行種種賞識良多
筆下亦難罄述厥後齊眉壽考孫子繁衍非兄之餘慶也耶
謹傳之以誌不朽并爲之贊曰

孝本性成無分嫡繼友誼克敦不傷同氣刑于免妬螽斯
協意未錫難老啣盃適志閭里服爾之行誼彼翁子爾以

福祉

昔

乾隆歲次己巳菊月

宗弟邑庠生以儒拜撰

文六十八府君傳贊

公

諱誠恩

字

元能

號

和庵

予

從堂兄也

負倜儻之志

幼習舉

子業因患目而舍筆硯性至孝溫清克謹昆季怡之訓子以

義方居家質樸衣履不敝不更爲也瓦缶園疎恬如廉而好

施與臨財不苟時出其家所贏餘以周困乏凡有求者與不

吝磊落果敢見義必勇往以爲之秉心公直排人之難解人

之紛不取其利鄉鄰中有爭角者僉叩其門剖焉莫不釋服

而退持躬與收見長者執禮甚謹抑然不逞其意氣親屬孤

幼無依者資之且爲多方處置俾得其所而後安年五十有

三而卒予爲述龍門太史公之傳俠士者以贊曰

其言必信其行必果亡諾必誠解人阨困廉潔退讓修行

沈陽沈氏

二時鑿錫麟校正

砥名聲施無窮豈非之所謂賢豪間者哉

乾隆歲次己巳菊月上浣之吉 從弟邑庠生濡恩拜撰

文八十三公傳

側聞鄒魯多文學之賢燕趙多慷慨之士地傳人之亦傳地

故某山某水某坵某壑爲某賢豪之所寄跡者皆歷々堪述

也余舍到柳溪舅翁家僅十里許嘗談及風土人物余幼不

記憶而岳翁閒於筵席中示余曰吾有從弟諱詠恩字谷周

號廣智者其爲人也孝友性成溫恭夙裕自幼矢志芸牕而

數奇不偶乃酌飲竹林閒情蔥肆嘗與野老輩課晴雨占饑

稔葺五柳之園闢七松之徑與今之趨榮慕勢溺情利名者

殊科余聞而壯之誠哉清逸君子也特未親接其人猶淡所

聞而甘所見耳及丁卯春蒙延西席則見其容溫如玉澹如

海陽縣志卷之三十一
二一時鑿錫麟校正
菊靜如秋水寒山世少風波賀無冰炭因自嘆名不虛作見
與聞符無奈蒼天不憚不踰年而臨秋一墮也幸有安人洪
氏勤儉持家而震男得定次得宴督理家政綽乎有迺父風
幼德富德憲從余學亦皆頭角崢嶸嗣後基緒恢宏家聲丕
振孰非翁之恭儉慈仁有以光前而裕後也哉余才穢線自
愧不文第翁之爲人不可以不傳爰索枯管髣髴翁之巔末
壽之譜牒云

乾隆歲次己巳菊月

眷姪壻邑庠生王守雯拜撰

文八十七公傳

余族兄迪功郎林元農中俠也少時慕朱家郭解爲人與閭
里之負豪氣者遊比長父親督之耕出作入息刻與之偕因
而肆力於畝畝辨壤埴察早晚蓄羝牯課晴雨其所獲十倍

於人不二十年致家速富父性因陋就簡鬱鬱於心不能遂
詢諸幼所折節與交者告曰古語有之阿意曲從非孝也汝
翁狎太古風所不合於時宜處須善勸之蹶然起曰敬受教
父習褐衣則製美服以進之父甘蔬食則調美味以供之耽
蝸居也則勸發金以構廣廈絕知交也則勸備物以宴賓客
守阿堵也則勸出貨以濟窘急自是譽起族黨遐邇重之邑
侯秦公聞其能舉鄉約長化導鄉曲人有困阨以身赴之凡
夫戴星寒暑風雨之勞屢試備嘗所不辭也抑且不矜其能
不伐其德而其父之名亦彰々矣父年近古稀合邑紳衿耆
老推爲鄉飲父聞之曰無非需我錢耳言畢有吏奉官請簡
來者杜門以謝婉爲勸曰夫鄉飲

朝廷鉅典也今沐推薦不赴貫朽亦奚爲如是以勸者數年父

乃首肯寵膺賓筵見父年逾八旬往耕不得已仍身任夫稼
穡邑侯 楊公舉迪功郎丙寅春新補隨諸農官耕於稷壇
楊中尊始至見其豪氣溢於形問私語其侍者曰張某不似
農家者流已而驅犁九推容與習熟笑而謂諸農官曰張君
壓倒諸長老矣退署親顏其額曰宣理民天一生排難解紛
孤弱者賴以安全凡公中事驥首勇爲惜乎年未週甲而遽
逝矣四房派昔多豪俠林元兄其儻見者歟

乾隆歲次己巳小春下浣之吉

族弟濡恩拜撰

文九十一公傳贊

張君

諱贊

字贊士

挺居望族高踞文壇迄今年近花甲堂上

椿萱並茂庭前棣萼交輝君子三樂之一不是過焉緬其淵
之家學克紹橫渠之經秩之孫枝堪擬謝園之柏家雖豐豫

而若無雅飭廉隅維一介君真膠序完人哉茲歲不欲爭名
高尚其志看魚龍之變化樂花鳥以徜徉惟以倡率族人重
修宗譜爲兢之上不負先世道德遺行下以垂百代不易之
典其爲承先啓後計至深遠也余與君道誼相覓已非一日
更於令子得鈿文章砥亦越有年知君之生平梗槩蓋不
禁心向往之因而自忘固陋謬呈樸句令後之人得以想見
君之處天倫而無憂對俯仰而無忤敦本睦族後世矜式使
秉直筆者他年有採焉余得附姓名於不朽亦與有榮施矣
乾隆十四年己巳之秋八月旣望穀旦

廷試歲進士選授金華府浦江縣儒學司訓加一級

年家眷弟施延功撰

讚

恬澹之性肫懇之情謙冲之度瀟灑之神孝則竭力友則
因心處世以厚貽子以經和而不流矜而不爭斯固宮牆
所矜式也而詎非宗族之儀型

宗弟邑廩生守勳拜撰

文百五公傳

張君廷儀諱啓韶柳溪雅一公之第三子也善屬文遇試鋒

銳無前既冠遊庠枕經籍書博洽擅譽數困場屋砥礪彌堅

早年失恃敬事繼母昆季四人怡之友愛交友務以學行相

勵肝胆相許與人惟以禮讓相先道義相接精岐黃之理存

愷悌之心製方救病活人甚多家豐裕凡鄰里有貧乏稱貸

者予之不吝爭毆相投者委婉勸導為之排解和衆睦族俾

無遺憾君之所以為人者亦已至矣夫何天道無知育四子

而俱早世且壽不遐齡行年五十有二飄然西逝昆季親族莫不咨嗟嘆息感其德嘉其行爰爲立約承繼三姪得幃得瓊得樞以紹其業立祭田共十四畝地共五畝二分以永其祀余不辭俚鄙而略敘其大槩云

乾隆十四年歲次己巳菊月穀旦

愚表兄邑庠生黃庭經拜撰

文百十七公傳

宗君

諱謨

字爾登

號道岸

者弱冠遊庠乾隆鄉進士也居箕

塘其先世代有文章孝義聲施素爲予族諸父所宗仰予嘗爲君曾祖石公草墓誌銘矣知明德之後必有達人宦游歸來閒與親朋訪評泃中人士十年前從堂弟素公舉而告予曰道岸端人也予然而心儀之十年後從堂姪春薦舉而告

予曰道岸正士也予然而心儀之核其跡事父執禮甚謹五
昆季怡之式好交友最信襟期洒落不羈喜與時之文人傑
士譚竟日忘倦家貲阜然未嘗以之驕人好施樂善周人匱
乏才能明決族黨中有忿爭者僉叩門而待剖焉所有鼠牙
雀角不憚排難解紛而不需其財也夫素公春薦之締於君
也時有後先之殊交有从暫之分見之聞之豈盡同哉乃觀
其所以盛揚君之性情事行者縷之詳悉如出一人之口必
其德入人之深而移人之速令人一見而悅服焉有如是者
矣予曰往來於心而不能去青歲邑侯以刺請君來會於東
園見其動履端嚴氣象純固丰度灑脫非法不言言則語語
與文公垂訓格言相爲脗合而因念素公春薦兩人所道固
非虛譽而亦足以見子從前非漫傾意於君也君誠德望隆

偉之君子哉予感夫會合之不能常也於是搦管而傳之以表其梗槩云耳

乾隆己巳年桂月

賜進士第原任江西南康府都昌縣知縣

欽陞直隸順天霸州知州

宗弟以瑀拜撰

欽賜養老銀牌恭紀

乾隆乙酉之春恭逢四舉

南巡

盛典溥隨諸伯叔後至杭州一時戚友同寓者十數人皆龐眉皓首齒

德俱尊者惟溥年最少閏二月初七日

聖駕進城同肅衣冠跪接獨文百十七伯父蒙

賜養老銀牌一座叩謝祇領歸寓後諸高年戚友羣集慶賀伯父出

資備主人張維翰整治酒穀共相宴樂酒酣伯父曰吾一生
僥倖之事無踰今日者吾不虛生矣諸戚友亦羨其福澤為
不可及也又私語澧曰吾老年沐此

恩賜生當謹佩胸前死則殉葬以誌銘感也他日修譜謹為刊入用示

世世子孫云

堂姪德澧謹識

文一百二十府君暨趙氏安人傳

伯父諱廣恩字澤遠先大父之冢嗣也家世以淳厚著聞耕

讀為業絕不妄與外事伯父上承先教益敦和厚之風習舉

子業冀光大門閭旋因病日乃喟然嘆曰人生大節無過孝

友功名一途有命存焉未可強而致也於是絕意進取篤志

孝友奉養二親依之膝下友愛二弟怡之終身事尊長則恭

敬有加遇儕輩則誠信無間而且藹然和氣與人未嘗頰顏

伯父之爲人可謂敬而無失恭而有禮矣然當是時強禦蠅
興伺隙啓釁重遭橫侮毫不掛懷嘗語兩弟云天道好還強
梁者不得其死好勝者必遇其敵理有固然吾惟靜以俟之
而已性喜飲及酣卽止終身未嘗至醉每晚舉杯時命子隅
坐聽其誦讀爲下酒物於一二親姪來者詢以塾師所授書
試之句讀清楚解釋字義無悞則喜啖以佳菓日間督僕犁
鋤與二三父老課晴雨話桑麻此外俗事皆所厭棄而不干
涉者痛哉壽屆服政而遽逝矣伯母趙氏安人淑慎溫恭勤
儉慈愛待猶子如親子當家被侮時隱日痛傷時刻寬慰伯
父勸勿久懷天不假年先伯父七年而亡令人愈久而愈增
切怛耳然澹於此重有感焉潛德無不發之光逆行有必窮
之報不於其身必於其子孫在當日侮伯父伯母者實繁有

徒而伯父伯母無恙也其在今日悔伯父伯母者其人安在
問其後嗣至有不堪言者而伯父伯母之子若孫方振之未
有艾也彊梁者如彼和厚者如此不二十年果報彰之孰得
孰失不待智者而辨矣天道好還豈虛語哉此非子伯父之
私言實前賢之明訓也澧沐伯父母休光日淺先嚴慈嘗舉
以示澧謹誌於心不敢忘茲在局中監譜僭筆傳之有不禁
涕泗之橫溢者矣

乾隆辛卯小陽朔日

姪德澧謹識

文百廿五公傳

漢老年翁一索再索三索俱得丈夫子而諱資字學兼者以
中年入成均乃其次郎也余向不識面止聞其名而已自上

秋奉

憲飭赴潭府宣講

聖諭聚處一宵得以瞻其言論丰采知爲慥之篤實君子也既而得諸輿論而悉其生平君少而穎敏不安小成有志進取遂使彤庭對策選爲良材虎觀騰英蔚爲碩彥姓名既登於天府譽望自振於鄉邦洵稱光前裕後人哉尤堪羨者茲當服政之年鶴髮雙親逾七望八左右就養無方以曲盡孝道恭兄友弟一家雍睦藹然太和處鄉曲中恂之訥之若不勝衣然亦不苟不吐得和平正直之用令子頭角已露箕裘克紹將來聳壑昂霄不卜而可知矣余秉鐸茲邑知交尙淺略敘其槩列於簡端凡諸善言善行俟族黨君子親炙有素者必能縷述而悉闡焉公道自在人心夫豈余言之所能罄哉
乾隆歲次己巳仲秋

特授金華府浦江縣儒學司訓加一級 年家眷弟施延功撰

文一百三十一府君傳

張君諱廩恩字公厨親翁唐侯公之次子也成性孝友矢志
慈祥持家一以勤儉爲務幼習舉業屢應童子試志掇一巾
已而怙恃續失金玉河東兄嫻弓馬決策登壇弟業詩書才
堪採藻遂棄毛錐力以家務爲任方二親之初亡也未獲眠
牛乃構矮屋於家南爽塏之處暫寄親柩三五年中食旨不
甘聞樂不樂居處不安因塋於高祖墓側時遭強禦首禍
興衆阻撓與兄弟訣曰各且安居無荒夙業我獨哀籲青天
可也綿訟三載終葬二親於格山祖墓右洎旣厝歸乃語兄
與弟曰吾願畢矣諸子姪定必熾而昌也當其言公數載冒
霜衝霧或宿於墓或哭於市一若流落無栖者然人勸之歸
云事有天焉毋太苦也踴然泣曰二親暴露何以家爲蓼莪

之詩不如無生彼獨非人情哉故當旣厝戚屬戚謂是真苦
心人天不負也後居數年崇儉守家務勤創業外事杜門不
與怡然自適及育六子則又戚然憂曰親遺華屋兄弟分居
吾房二閒諸子何依又以家旁並無分寸隙地遂擇於家後
圃中創築一十餘閒一木一瓦俱自躬親其勞烏之革也輩
之飛也人賀之曰君願大矣對以子平猶未了也督子以耕
催媳以紡常々語家人曰良田固不必謀饘粥絲麻可不一
朝給乎無何壽逾邁甲而卽逝矣孝友創造此尤其一生卓
々可表者淑配子姪女也淑慎徽恭懿範足式諸子咸孝友
勤儉有父遺風焉故傳之

乾隆辛卯秋九月

眷侍教生合溪孝廉黃元弼拜撰

文一百四十四公傳

左氏傳云人三不朽首重立德然尙書又有九德六德三德
之目下此韋布似無德可言已余以爲非也不見夫鄉黨自
好之士言信行果勤儉起家使鄉人薰炙而善良可不謂能
修其德者乎余族伯必祥公賦姿英敏束髮受書輒能解字
對句一誦終身不忘年屆舞勺父以儒公語之曰耕讀兩途
皆正業我家恆產無多懸磬堪懼當先以治生爲急伯遂棄
讀習耕隨兄撥襖隴上似有陶朱術於所收穫較他農獨豐
登堂未嘗致世子之篇而定省溫清有節歲弱冠祖母重慶
健能嚼蔗伯不以成人自持而嬉戲若孩提祖母于諸孫中
尤鍾愛伯叶堽篋內外無閒言乃方壯而有室伊父伊兄計
六匝月俱捐館伯於湯藥殮葬之事必誠必信無後悔撫姪

如己子越二歲又丁母艱告嫂氏曰我運蹇願與嫂姪合爨
百年凡父遺產請戚友鬪約二股每年於姪股增置上田貳
畝伍分完姪嫂氏不許延服闋不得已從嫂命析居貲業聽
姪携其美者已甘于瘠或謂盍先已後姪乎應以姪居孤且
父兄遺命弗敢欺伯嗣此專任耕稼不干閒務食時用禮家
業益隆起其洽比姻鄰椒馨胡考雖天性使然亦正欲效
公藝家風故急公獨勇適族修祠首肯倡簿助銀叁拾兩齒
半百後尤喜與宮牆儒士接自白云我農人也非求儒士之
詩與文第覺親其氣體言談藹如秩如頓使鄙俗之見消余
自成童以來每塗遇伯必執手而詰曰爾近日所讀何書所
課何題余以實告伯曰古經我不知也四書題啓口背云上
文某句下文某句是某聖某賢之語且能略析意旨乾

隆丙戌歲後凡族中入泮者伯欣然賀送做藍衫工費銀兩
又若侑生侯學兄勤讀圖進阻於貧乏伯慨助府院試盤費
六七次無德色其對止人言必吐露肝胆絕不談人閨闔事
國課早完戶無追呼閉有非禮干者含忍不校晚境甘麴必
然不躁不多謂躁則失儀多則昏志逾古稀有三主祠政遵
循譜刊禮法肅之雍之見人善嘉獎不啻若其口出聞小過
必懇到隱戒之故人怨希淑醜洪氏伯母柔順相夫聲不出
于闔外生一丈夫子勤謹克家惜先伯父而歿舉一孫伯力
崇師啓迪又慮穉弱難支門戶援例入成均今現亭之玉立
修祠輯譜任勞不辭伯諱禎恩必祥其字也壽享杖朝之數
不臥牀蓆一夕溘逝非閻然能修其德者有若是乎初余於
伯無一錢半杯之緣因其厚德而非似德者樂爲秉筆以傳

云爾 昔

嘉慶乙丑季冬上澣

族姪德本拜撰

文 百四十九府君梅亭公傳

從堂兄

字

聿聰庠

名

宏選而梅亭其

號

也事親孝交友信臨

財廉笑語不苟友愛弱弟怡々終身無閒言事諸父如嚴君

鄉黨咸挹其和光評者迹其中倫中慮方以逸中之惠連云

稟質岐嶷束髮受業於曹臨之先生甫學文賞其筆頗雋逸

以爲成就未可量也年逾弱冠遊庠旋以首等補增廣生嘗

讀蔡中郎文慕其風神竊以一言品之曰逸及觀史見稱爲

曠世逸才擊節嘆曰修史者真得我心之所同然哉生平爲

文不摹時調不涉陳言飄々多逸致大抵俱從蔡集得來惜

乎領略者希耳南華經屈子騷工部詩西廂曲腐遷史陳壽

誌皆珍若拱璧時々玩焉嘗語予曰吾所嗜者皆揣摩家之
逸書也又善草書飛舞騰躍當得意處彷彿張旭丰姿識者
賞其秀逸可愛性嗜酒每飲則却甘醴而取辣常謂苦中
有逸味遇賓朋聚會及酣卽止見少長誼譁未畢卽起閒居
獨酌不可數計當其醉也或吟古詩或唱古曲足蹈手舞如
戲優然鄰童環門窺者若堵人咲兄出視之亦笑予曾過而
呵之毋乃醉甚曰未也洗盞酌予相與論文說詩及談史傳
頻斟長吸一言不悞卽夜過半而徑不醉人咸以爲奇逸五
赴棘闈未強仕卽絕意於科名曰豈甘潛逸無志光前哉是
有命焉奚勞々於奔競爲見貧苦則加恤是鯨寡不侮也遇
公正則發憤雖強禦不畏也夫豈放逸物外者可同年語哉
泊將邁申俛疾而醫不予趨省之淑醜洪氏侍曰君病革

矣一子尙幼當有言以囑家人兄招予前執手語曰一腔心
事有未易盡者當在吾弟腹中予忙慙曰書其無人讀乎田
其被人謀乎兄名湮沒而不傳乎強起答曰盡矣反席未安
而逝今子美玉杏林種德奉母不遑暇逸長孫貴浩生資明
敏念書不敢游逸兄亦可無恨於地下矣茲葺宗乘爲臚其
生平以傳之性情不恬逸乎舉止不翔逸乎讀書有逸興作
文有逸思飲酒有逸趣安遇有逸度自號梅亭梅則花中之
逸品也亭則屋外之逸宇也無之非逸謂之曠世逸才也可
壽之譜牒以垂不朽庶芳名曠百世而弗逸也夫

乾隆三十六年歲次辛卯小陽月 從堂弟濡恩撰

溥

幼學文於梅亭伯父歷有年所俄登仙籍經今十有四載
音容漸邈茲在局中監譜讀斯傳也性情馨欬宛然如生始

則肅然敬繼則惻然愛終乃潛然欲淚神助文耶文入神耶
師弟之情蓋有久而不能忘者

受業姪德灃謹跋

文一百五十一公傳併贊

古之君子必有過人之節忠厚以居心慷慨以處世不沾
於名譽不役於勢利此三代尙德風也不意於張老太翁
見之翁諱院恩字澤堅生而醇敏不尙浮華孝友性成忠信
夙著翁先世祖父輩咸以恭儉名家因自想曰忠君孝親無
二理也與其習舉業而棄親遠遊曷若耕南畝而躬奉甘旨
乎出作人息陶然自得溫清定省怡然無閒漢有孝悌力田
之科翁克當之而無愧焉且秉性公直視人猶己不侮鰥寡
不畏強禦睦鄰里而常解人之忿和宗族而累濟人之急卽

私費己貲毫無所吝而又友愛諸弟督課勤勞擴充前業大
啓爾宇厥后分居咸無私曲之議古稱伯淮其被之風殆庶
幾也嗟乎人生世上亦觀其品槩而已寧必徒務富貴功名
之途哉世有誦詩讀書口談孔子孟而心類盜跖置親恩於罔
聞視同枝如寇仇一旦僥倖得志衣冠儼然誇耀閭里閭外
若榮而內實枯以視翁之爲人惟德是尙者其相去又何如
耶生丈夫子四長得嘉才略過人有乃父風與余至戚又以
義氣相尙小兒昭忝附門楣以余視翁則猶父也茲修盛譜
敬爲翁傳兼尾以贊

戴記曰衆人所難君子行之謂之有行有行之謂有義有義
之謂勇敢所貴乎有義者謂其能立德也卜子曰雖曰未學
吾必謂之學矣斯二說者先賢固有以贊翁矣余不復漫爲

俚詞以贅

乾隆三十六年歲次辛卯菊月望日

鄉貢進士眷小姪鍾賢輒頓首拜撰

虛齋敘辭

王父錫余嘉名曰濡恩洎入泮後爲括蒼遂昌縣儒學洪廣

文先生西賓贈

號

懋齋蓋以德懋功懋爲

予

期也肅然起曰

懋言勉敢不日有孳孳勉焉以從乎奉之爲箴數十年來備

歷屯遭疲乏時切黽皇策以小道而不爲托以重裝而不取

誠信儒冠不悞用勉之而勿憂無成未嘗一日不顧名思義

也年逾週甲改之以虛客有過而問虛齋爲誰者對以愚末

自更客曰更之也何居乎予俯而再三不答人皆莫知所屬

受業傅子清佐好學善析前席而咨曰弟子事先生有年矣

游陽樓海舟日宗言

二一通行錫麟

接人不行虛禮持躬不飾虛行吐口不道虛言爲文不寫虛
句虛聲不慕虛腹不倫今舉爲號將以謙虛率人乎抑以冲
虛養度乎將以清虛玩景乎抑以子虛摹賦乎不則法虛受
以體成象之通乎不則示虛舟以化褊人之怒乎再不然澄
虛靈以植性托虛無以遣慮乎予曰否々子不見濡也奮畢
生之志氣殫畢生之功力今茲尙堪迴首矣乎黯然率口而
歌曰振我裕兮其若孳撫我書兮其將蕪天竟何如命竟何
如濡乎濡乎無之而不虛也吁旣而拭洒揮涕并爲辭以敘
其歷履辭曰

沐高曾之餘澤兮終生余於正陽性激昂而不屈兮才鈍直
而疎狂志願賒而莫副兮運過塞而連僵幼從兄以播獲兮
樹瓜藝韭之胥良入深山以採樵兮裸肩跣足之備嘗年舞

象而好舉業兮先君委教子以文章試郡縣而多中兮以中
尊之許長賢司鐸爲栽培兮逾弱冠而入庠堅砥志於友齋
兮冀天路之騰驤越三旬而授室兮適遭變於閭牆痛先君
其倏逝兮勤菽水於北堂鄰強仕而續絃兮占生稊以枯楊
索震巽與離兌兮終兼山其惶々奉慈幃以壽終兮未有聞
而含惶馴交瘳其如初兮僉謂予以心藏減餽口以教子兮
期紹奕葉之書香遇侮逆而不受兮矢大度之包荒竭綿力
以援阨兮頻見觸於跳梁矢直言以折非兮任招怨於互強
歷風霜而不改兮蹇好修以爲常讀書不求甚解兮愧錦積
於奚囊爲文不求時好兮癖學步於大方邈家傳之清白兮
敝遺予以縹緗覽譜牒之炳昭兮念祖德其難忘繩徽武以
奮足兮意積累之吐芳何實命之不猶兮動躡路而徬徨附

驥尾而莫致兮屢若隱而若彰赴麀闈而十戰兮終一巾以
徜徉勞舌耕其三癸兮無宿粒於倉箱遠塵囂以葆真兮儼
蘭芷於瀟湘依齋館以舒嘯兮等朽腐之糝糠懼舊夢於炊
臼兮類孤鶴之冒肅霜撫幼弱而尸爨兮儼病鳥之啄沙場
植梓木而尋丈兮俟斲就乎發孫枝而柔曼兮難驟覩

其繁昌抱沉疴而奄々兮寄蜉蝣於亡何有之鄉曩謂滋雨
露而錫名兮爰取懋以警就將今知援假借而善識兮用改
虛以寄蒼涼已矣乎老宜益壯搔白首而身弗康窮縱益堅
想青雲而淚卽汪業不立兮名不揚後莫裕兮前莫光卷二
掩而茫々腸九迴而俵々爾其再翻筋斗更命兮恐來生非
必映曜乎箕張

乾隆辛卯小陽朔日稿也

文百六十二公傳

^華 龔歲時承大父命在家習讀字句於張懋齋師祖蓋師祖

^講 濡恩懋齋其^號也雍正年開早已有聲膠序乾隆初禩每

試必會^華大父同寓邸宿文字相知莫逆也迨^華大父策名

外翰敦請教授^華父習舉子業論文有法督課不倦以故得

列郡增弟子員考寓仍與同宿同餐視^華父若子大父每歎

師祖運奇十赴省門缺望應曰功名發越定之自天應試是

讀書人分量遇與不遇可無容心焉此說非^華大父阿私所

好凡師祖及門先後錄升序校者數十餘人咸嘖^々傳誦學

問淵博於不衰又如聖求張先生洵良黃先生俱師祖舊友

當其解任來歸間接閱懋齋全稿極擊節歎賞謂磊落光昌

大有歐曾勝境乙未春返道山核其履歷大半詳自敘虛齋

大有歐曾勝境乙未春返道山核其履歷大半詳自敘虛齋

詞內夫始號懋齋後更虛齋懋者勉也虛者無也一生懋勉

有而若無實而若虛非察理之深焉能領此書法正草大小

並皆佳妙筋骨之清剛酷肖楮柳今所遺四書藝四百餘首

分二集前集約矩準繩后集多彈丸脫手之致詩古文詞亦

力追古作者堂粵顛撲不破曩華雖問業未久迄今細其聲

歎身軀挺偉美髯鬚喉音宏亮無縮氣性直而毅智遠而沉

應務有德慧師祖嘗自云但還流水行雲而已茲故不贅長

師叔德本獲承庭訓螢攻鷄舞採芹冠軍今補邑增廣員鄉

闡鑿戰十有一科近年華同家叔延訓弟姪夥仰就正幼世

叔德棻勤儉創業又其孫或讀或耕起應童試者嶄然露頭

角是師祖箕裘不墜無復遺恨於九京矣前丁酉歲華大父

曾將一土名下長三斗地一土名上三斗桑樹地贈作師祖

祭產與祠牌產區之微物詎敢言報惟華父子叔姪叨沐栽

培銘刻不忘今屆貴族修譜急為吮筆寄梓以標淵源云爾

嘉慶歲次旃蒙赤奮若小春月上弦

稟膳生世姪傅祝華頓首百拜

文百六十府君暨鄭氏安人傳併贊

韓昌黎云莫為之先雖美弗彰莫為之後雖盛弗傳二者交

相須也然吾謂先之有賴於後更甚於後之有賴於先不顯

之謨不有武烈以承之豈能大其緒而集厥成哉先岳父諱

應恩字士聲雍名即字箕塘始祖圭一三公八世孫也先

世代有偉人載在譜牒者班之可考先太翁文學唐侯公

生也晚不獲親其德音然其積德累仁至今膾炙人口是太

翁洵有善以創於前而岳父實繼述以承於後矣太翁舉三

子岳父其幼也習舉子業揮毫清爽砥志以掇功名無何先
太翁登仙旋以家政孔繁頻受橫侮迫於遇緣例入成均志
在課子成名惜不永年未能親目見其高占令人益增風木
之感耳至其秉性剛直有任俠慷慨氣象而又非徑情直遂
者流其孝於親也弟於長也臨事多敬謹也待人以誠信也
不寧惟是且見義勇爲臨財不苟取故其德惠足以及人凡
親朋中有貧乏者多蒙其庇是剛直之中而寓柔嘉之德者
也以視夫世之守錢虜其相去爲何如乎嗟乎斯何人哉彼
市井間喪行敗品之徒固然其無足怪卽士林中纍々成羣
冠儒冠服儒服岸然自負求其存心處事之際實多不堪自
問而欲其克昌厥後也難矣嗟乎斯何人哉詩有云柔不茹
剛不吐不侮鰥寡不畏強禦其斯人與其斯人與岳母安人

即瀨之姑也祖考妣近始衰即逝姑早失怙恃先曾祖孝廉公時以義門家訓爲諄々及笄歸于望族克遵百忍遺規惟以舅姑早背奉養無多爲恨處妯娌津々之色恆見於眉宇閒鷄鳴戒旦相敬如賓勤於女紅晝夜不輟持家豐約合宜御下寬嚴得中所謂母儀素嫻閭德備至者乎不幸姑丈中年棄世表弟尙屬童穉姑肩家業內外極其整肅常語表弟曰汝父最喜讀書汝克承先志含笑九泉矣別無所望於汝也今表弟之得以循學成名甚賴賢母之力知其德者方之陶孟云冢嗣諱德灃蜚聲黌序幼德冲專事農業孫貴超齡年力學將來正未可量也行見秀者讀樸者耕先世之遺風不替是岳父之德所以裕於後者彌光而太翁之德所以創於前者益大且遠矣瀨幸也叨半子兼係內姪會修譜牒不

辭固陋謹約略所見所聞而敬述之如此

贊曰

藹々吉士惴々小心坦然其度穆然其神厲焉難犯溫乎可
親輕利重義拔類超羣一鄉之望後人之型藐末小子企慕
徽音殊慚玉潤幸炙冰清嘆音容之已渺仰明德之堪欽又
曰緬公之景象兮丰神秀潔想公之氣宇兮光風霽月既如
圭而如璧復如冰而如雪秉性兮剛直存心兮篤實懷明發
兮齋慄敦天顯兮和協承先兮傳家清白啓後兮詩書世業
好施與兮有實德賙貧乏兮無吝色更有未竟之懷來非筆
墨之所能殫述

乾隆三十六年歲次辛卯秋九月

壻男邑庠生鄭祖灝頓首百拜撰

文百七十六公暨朱氏安人合傳

傳也者敘人之實事以傳諸後者也與其虛譽而稱之過不如質言而道之正斯可以信於今而傳之後也箕水太學生希亭公濂之外太翁也外曾公以年老撥翁等各餐翁弱冠甫踰而肩家政與外太母內外勤修無不整肅購居第不屑千金買墳場不吝重直大異乎守錢虜矣而矜情驕氣毫不形於色慎持己而厚待人外人無以事相犯者正翁之不可犯也以故終身不入訟庭翁三嗣皆遊庠幼即濂之岳父也教授外姓四方咸以老宿稱此雖岳父之績學有素抑亦太翁競之教育之心之所成也歲丙午翁七旬竟逝世時濂應秋闈在邸聞訃不勝淒然以為今而後不復見太翁之道貌不再聞太翁之懿訓矣今以岳家修葺宗乘

來書命濂作傳濂思太翁之爲人其可以信於今而傳諸後者豈予筆之所能罄哉爰以平日之所見聞略道其梗槩云爾
昔

嘉慶十年十月上澣之吉

鄉進士孫壻賈應濂頓首拜撰

附序

讀景溪賢坦傳文爲敘 先君子易簀之年予因憶乾隆乙巳歲仲冬科試獲優等捷至 先君子與母氏語曰我與汝須健兒得食餼母應曰會健時予在側聞之愕然不寒而慄矣乃天不憖遺於丙午年八月內棄世嗚呼痛哉豈先君子數將幾終與抑豈以時未可食餼而致然與旣然已或亡羊而補牢猶爲未晚總不能慰先人於生前亦或可報先人於

死後而一奮輒蹶湮沒於今此興之不肖不孝也已書之以誌吾父母之慈愛有如此者并以誌予際遇之迭遭有如此者

不肖男庠名允興謹誌

文百七十七公傳

夫傳者傳也傳而不傳奚傳之有人之立傳誰不欲傳然往之十無五六可傳者言之不實惡其僞也不足傳言之不文嫌其俗也不足傳實矣文矣義苟無關於風教則又詹小而不足傳之豈易言哉故爲傳者必使後之人覽之宛然如見其人愾然如聞其聲勃然動其興起之心斯其傳爲可傳之豈易言哉雖然今之人安所得十全之行而傳之於鄉黨宗族中觀其立心制行處己待人恂之醇謹克遵國家淳厚之化者予亦樂爲之傳焉今葺家乘王應兩師爲貞明弟請傳

於予之弟無他殊能炎勢也語曰匹夫慕義何處不勉古聖
人猶將取之汝南月旦所評大半鄉族勉義人也吾弟一生
質而無華直而不曲其立心之真正也可傳擬而後言議而
後動其制行之謹嚴也可傳察辭觀色抑之善下其處己接
人之謙虛也可傳未嘗學問乃有得於達人之意槩此其所
以可傳也事二兄愉之如父待諸姪懇之猶子調琴瑟雍之
無聞見尊長肅之有儀是又皆其實而可傳者使非慕義不
遑安能立心制行處己接人家庭鄉族咸若是其諄謹可風
哉是盛世之良民以視彼互非藐長自以爲能者固判若霄
壤卽較彼僞言飾色自以爲是者亦別如淄澠不愈見恂之
醇謹者之大有足傳乎予不敢謂是傳必傳且以吾弟歲鄰
週甲不煩勸勉自克敦行不倦翹俟當途耆年碩德之旌卽

以是傳爲左券也可

乾隆二十六年歲次辛卯小陽月吉日

族兄邑庠生濡恩撰

文百八十五公傳

昔太僕歸熙甫先生之言曰有過人之行者亦必有過人之
遇夫所謂過人之行者非必震世駭俗以爲卓越也不過庸
行之無虧而已所謂過人之遇者亦非必名位赫奕以爲顯
榮也不過如書所云身其康強子孫逢吉如易所云履道坦
之幽人貞吉而已然此隆遇在天不輕以與人惟庸行之克
全者方能致之以觀我岳翁之行與遇誠有超拔乎流俗
者矣翁性喜讀書惜不遂所願緣例入成均先太公以英公
勤儉創業素性嚴毅翁委曲事之得其懽心與伯翁林元公

同心合食雅敦友恭所謂孝於親弟於長翁之謂矣其待子
若姪也課詩書話桑麻鞠育而復誨誡之所謂義方訓子而
嚴慈得中翁之謂矣翁材鍊達承先志肯構肯堂家聲煥然
丕振然以禮自範除祭祀燕賓而外衣服飲食不事華靡所
謂富而好禮翁之謂矣且秉性寬和持躬厚重凡所以施惠
於宗族鄉黨中者惟力是視他不備舉如歉歲之捐賑橋梁
之樂輸平居之通有無寬租債種之善行難以枚數所爲積
而能散翁之謂矣夫昔之傳高士論人品者得其一節皆足
垂譽於無窮若翁之品行卓卓如是宜其得天獨厚作於前
者有人述於後者有人兼以岳母傅氏安人之賢淑外舉內
修克盡厥職行見齊眉舉案杖鄉杖國以下期頤可不謂
身其康強乎舉丈夫子二豕得薰次得權意氣豪邁如金在

鎔性情敦厚如玉在璞皆克家之令器也文孫長貴是二貴
曜俱讀書穎異師長以遠大目之三貴瞪頭角崢嶸其後起
之振々正未有艾異日高大門閭將於是乎在不謂子孫
逢吉乎且其心曠神怡徜徉山水田園之間時與二三知己
卮酒談心不涉勢利人卽以非禮相加直受之而不較可不
謂履道坦々幽人貞吉乎此數者富貴所不易得公兼有之
則謂遇之過人也亦宜而後知太僕之言洞達天人之理良
不誣也 岳翁諱幹恩字貞立健齋其號也今修譜牒敬述
其大略云

嘗

乾隆辛卯小陽月

子婿鄭祖澄頓首百拜撰

昌六公傳贊

公諱德燦字載明號鏡山世爲浦陽巨族年方弱冠補郡弟子員二十二餽焉晚以明經授衢州府訓導惜不踰月而病之而歸之而卒享年七十有二公少而警敏於有宋五子之書詳考貫串得其旨歸攻苦績學暮年猶手不釋卷其爲文清真粹美格老氣蒼能窺先正堂奧雖屢躋名場學使者每賞其作拔之爲闔郡式以爲此制藝正宗未可以遇不遇論也公爲人堅剛正直遐邇欽仰家素封雖瑣事必書其性敏也尤急公踴躍慷慨能任事嘗以督修黌序縣主王特首請公梗楠爨瓦經紀周密星門兩廡不日煥然又近地新橋爲士庶往來孔道日久傾圯民病徒涉公捐重貲爲衆人倡垂虹百丈遠近賴之然偶有餘閒卽與諸名士角藝道古文

酒流連門多長者車轍又敦請邑中宿儒訓率子弟備儀物
導欵素積二十年無倦容其風誼之高如此嗟乎方公之司
訓於也矍鑠就道謂學博固冷官然陶鑄人才振興文教
未嘗不可行其志且衢有孔氏家廟先聖遺裔在焉得親餘
澤一瞻車服禮器亦讀書人幸遇又或春秋佳日泛舟定陽
溪登九龍爛柯諸山訪殷深源趙清獻諸前人故址歸而筆
之以爲遊草亦樂也乃竟以年踰古稀跋涉風雪日暮途遠
不獲一償素願豈不惜哉公娶元配鄭氏次周氏次黃氏子
三皆元配出長貴璉邑庠生篤學工文知名於時次貴瑚好
琴書精地理又次貴珩邑庠生其孫曾亦皆森々竹立不墜
遺訓今公之沒又歷三十餘年矣歲之十月族中適纂譜牒
公壻鄭和安先生義門老明經也嘗爲述公生平願作傳以

誌之余固辭不獲因不揣謏陋爲略舉其大槩

贊曰

有睟其容有禔其躬何六鑿之不擾以誠以公壯赫奕之穎
璧駕嵯峩之蟠竦芹茹仰其護持行旅資其帡幪此皆先生
之能事也而不足以芥蒂乎胸中唯畋漁乎六籍考朱陸之
異同叩寂寞以求音陋刻鵠與雕蟲以詩書爲似續以藥石
爲磨礱雖處郭况之金穴奚啻隱寵北而避牆東泊乎榆年
就辟槐市春風披烏互之烟雲繫太末之孤篷胡苜蓿之初
餐倏告別以匆々我悲其時而企其人庶幾乎芝山之叟桑
苧之翁

嘉慶十年歲在旃蒙赤奮若陽月

長山貢生曹開泰拜撰

昌五十九公行傳

兄諱德鏘字鏗如箕塘之望族也予憶己巳來勸譜事乾滋先生與兄之先大人莫逆幾經詳道故獲稔知令祖以英公諄謹堪褒黨族咸敬重之舉縣飲賓令尊林元公端方足式鄉邦咸傾仰之舉迪功郎世代積善宜乎餘慶正未有艾也兄幼習詩書甫壯失怙經理家務孝事祖父祖母令堂晨夕侍奉不倦深得懽心撫愛弱弟長而分居毫無私蓄當時叔年尚幼事之如父及後叔長與兄語曰父兄創造樓宇以闔於基無能整齊有缺志焉吾欲更而張之第恐汝力或未逮耳兄曰祖父之志敢不勉以相承遂與叔父左右齊建堂之整之咸一望而慕曰誠足垂為箕裘百世之業孰非積善之瑞氣所致哉見尊長也則謙抑善下見貧苦也則真懇溫

恤見義舉也則踴躍奮任見善事也則掖勸贊成以故遐邇
交相推重艱阻不辭強禦不畏回邪與遠者頌與近老成俱
稱其有祖父遺風居常教諸子曰敬長憐貧者吾願汝效之
滅倫暴弱者吾不願汝效之勇義成美者吾願汝效之挾私
壞公者吾不願汝效之詒謀之善如此夫誰不信其餘慶正
未有艾哉丈夫子五皆爾軒昂崢嶸氣宇不凡乾滋先生又
語予曰吾姪淑配吳氏勤儉恭敬相夫以正道教子以義方
是女中丈夫也餘益嘆爲天生賢偶宜爾子孫振々易曰積
善之家必有餘慶此千古不易之常理也人生世上可不積
善乎哉

乾隆三十六年歲次辛卯小陽月下浣之吉

眷小弟應邦德頓首拜撰

昌七十九公行傳并讚

從兄錦川先生孝友敦義人也幼稟異質弱冠卽蜚聲譽序
是有三代一堂文學相繼並列膠庠宗族戚黨咸歆爲盛事
焉生平意氣豪邁有翩翩佳公子風日惟閉戶讀書不與外
事甲子丁卯兩赴秋闈以爲飛黃騰達指日可期也歲己巳
嚴君見背時祖父母繼母在堂一弟一妹又幼兄敬承遺訓
讀禮之餘仰事俯育任重道遠一身肩之遂絕意進取督傭
稼穡毋荒樹藝延師課讀以繼書香卜兆以葬父母弟妹各
擇名門婚嫁厥後祖父母年躋耄耄先後登仙承重盡禮服
闋後歲丙戌乃與弟分居方兄之與弟分居也長子年且長
於弟次與三俱成人惟幼者尙少然皆讀書赴試待聘待娶
而且親友往來慶弔問遺資用之廣食指之繁奚啻倍蓰於

弟當是時兄不言分弟敢言分乎乃兄毫不以此等俗見攬其芻而惟以生養死葬妹嫁弟娶足慰先人未竟之志不背先人易簣之訓不以一己之私累弟此其孝友之居心豈今人兄弟中陽托尙義而陰飽私橐者可同年語哉直當於古人中求之耳母鍾氏安人夙有風疾育於四房何氏伯姆後無子兩老俱高年無倚兄周其衣食終身死則資以喪費又歲時祀之迄今勿替焉性善飲每親朋讌集喜猜枚拇戰角勝負以爲笑樂嘗曰啞酒不能歡也己丑夏次郎君貴池入泮聞報欣然舉一觴曰可以報先人於地下矣猶惜吾源兒之不售也以長郎學問實優於次郎云癸巳春學使按臨兄以繼武有人年例又符具呈給頂批允余試歸倖獲優等時值卜巳戚友與試者羣集余家問信因而杯酒言歡甫卽

席先生掀簾大笑而入執余手曰好後生努力功名吾其唱
耙上山歌矣卽忻然入席痛飲高談娓娓不倦座中咸嘆其
意氣俊爽少年不及也孰期卽於是秋捐館享年五十有一
溥曾受業於兄忝一日之知今違道範三十餘年回首髫齡
杖履追隨嘉獎策勵恍如昨日後死者行將耄及不禁有俯
仰今昔之感焉嫂夫人倪氏產自名門夙嫻閨訓舉丈夫子
四皆能不墜家聲孫男四人亦森々玉立今孫大應曾孫時
鰲從余學皆頭角嶄然余獎之猶向然兄之獎弟也弟不識
能如兄之知弟者知二子否乎然跂予望之矣

嘗

龍飛嘉慶十年歲次乙丑冬月

受業堂弟德溥頓首拜撰

沈陽柳溪先生詩集卷之三十一
二 道行錫麟校正

讚

恭惟

太翁襁褓失恃甫及成童便通經史黌序蜚聲俊秀名士順繼
母心孝達鄉里祖父諸昆衣冠濟美餘澤猶存曷勝翹企維
太翁母厥倪其氏秉心塞淵無違夫子克孝翁姑允諧妯娌振
振繩繩風歌宜爾敬仰徽音彤管可紀

嘗

大清道光十有九年歲次己亥臘月望後五日

廩膳生己卯科

副榜戊子科舉

人外甥婿蘆江

金照謹撰并書

昌一百三公行傳

今夫樹必有良楛草必有薰蕕此天地生物自然之理也其
爲良爲薰者人尊之仰之其爲楛爲蕕者人憎之棄之物固
如是人亦有然然論人之善不勝舉大德望大名節冠古今
而卓絕者史冊必書卽有一二小善亦無不錄要之能爲善
人始可以稱於當時而傳於後世族兄得勳謹厚人也體人
情諳世故力之能逮者時解篋以濟人危不能則以實告之
以故不觴人怒惟致人歡昔檀珪與王僧虔書云饑虎能嚇
人遽與肉餓麟不噬誰爲落毛族兄則不然惟達乎理而通
乎情威勢所不屈也豈若他人因人之睚眦而爲之懼見人
之受厄反擠之又下石焉者乎與兄合食至老無間外人有
爭持者皆爲之排解膺鄉約選洵乎名稱其實爲人之所尊

仰而不憎棄者矣淑配賈氏年八旬猶健子貴玉名列太學
能守成先業行見好善之報子有子而孫復有孫蘭桂相繼
而蕃馨焉茲爲敘紀以傳之庶後之覽者將亦有感於斯篇
告

嘉慶十年歲次乙丑陽月上浣之吉

族弟允興謹敘

昌一百五十二公行略

世之恣睢者固無論矣亦有緣飾之人或貌慈而心險或假
公而濟私和光同塵足恭令色而君子不齒者以其僞也然
今有真能修己者其惟我從舅氏乎諱德憲字獻章素聞其
醇懿樸實毫弗裝成顧猷未曾確據也丁未戎申間諸位敦
請僭作西賓舅氏之幼子貴璧嘗從予遊仰見舅氏謙恭巽

順言不妄發貴鑒對吾言我父善事高堂溫清敬養略無簡
褻不幸值三家伯仙遊含悲灑淚將子繼嗣其他睦族賓賓
諸務類此甥聞而益信之嘉言懿行遙播於鄉邑乾隆癸丑
年郡太尊敬老親仁特舉飲賓稠人嘖嘖稱羨孝養既無
閒言兄友弟恭尺布斗粟之謠初無沾染父於處衆作事寧
靜和諧有始克終上完國課可爲田野忠臣下絕詭隨不
近獸心狼子真能修己誰謂不然更能重念家牒大事而數
十年未修今與兄弟子姪輩約凡同宗祏照丁出資不漏不
溢數月告成族內俱嘆老成人起衰式靡也年踰古稀藉以
消遣訓誨童蒙正其句讀不妄施夏楚卽有稚子來見必以
禮接弗敢慢且諄々然戒曰悖爾孝弟引翼文學毋隕乃祖
乃父以爲宗族羞合而觀之辭意懇欵一本諸誠無纖毫入

僞也化行鄉閭靜也于于動也徐徐上繩祖武下範雲孫循
蹈規矩晝夜競持羣呼之爲長者也將見委祉垂休延齡進
祿由耄而耄至期頤可預卜也但甥才學淺氣衰力倦不能
委曲詳道之僅略述其大槩有如此云

嘉慶歲在旃蒙赤奮若陽月吉日

從甥增廣生吳升恆頓首拜撰

靖瀾先生八旬壽言

愚山石渠三里而近余自總角卽肄業馬劍與表弟東瞻戴
太史爲朝夕琢磨友至弱冠遊庠時故里中未有同志也乾
隆丙戌館於愚山宗兄靖瀾送子來學一聚首間真有相知
恨晚者隨伴讀焉設文講藝之餘纔知宿學躋蹙雖三旬未
售而壯志如一日也次年丁亥歲試就補博士弟子員從此

戊子庚寅秋闈同赴卽起居嗜好亦無不相投合至辛卯後
余又設帳馬劔教授戴農部惟憲茂宰莘來等蓋十年閒有
天各一方之別然回家必數相過從自信一生知己太史與
君二人而已君嗜書不屑於章句雖裨官少說無不流覽
而尤喜明人紀事之筆每遇鄉試買書不下十百種幾若載
寶而歸時或叩以累朝典故論本末瞭如指掌而生平之學
術可知矣且喜觀齣村庄有設演者不論妍媸往看必終其
場是蓋素性所好一如觀往事於史冊抑又不第林泉之瀟
洒已也近因尊內仙遊淑媳繼逝骨肉彫謝老景黯淡未免
神傷雖然君何尤焉君不云乎鬼谷四字經所注定君以明
月梅花四字夫月明星必稀梅開葉不見早已定於冥冥之
中當此舜日堯天與君同作五十年太平老諸生有何不足

今臘望日爲君八旬初度追述往事聊以代祝又系以詩曰
大地春將斗柄迴兕觥稱彼壽筵開共欽齒德家之長真
是松筠栽者培皓月冲寒馳影滿早梅迎歲貯香來從茲
康健隨時泰無限融和淑氣催

龍飛嘉慶二十一年歲次丙子臘月中浣之吉

石渠宗弟雨亭邦鈿拜撰

昌二百十六耐庵序

嘗觀國語至越王勾踐始末尙論者謂苦心人天不負又讀
漢書光武勞耿弇之詔曰有志者事竟成今觀吾弟不禁有
感於斯兩言矣弟諱得鈺字鼎三憶其始生也吾伯父年五
十有二珠係老得愛憐少子其人情乎逮己巳祠中修譜伯
父在局編年紀月錫字命名以爲長子遊庠次當踵接也亡

何天不憇遺老仲冬下弦伯父一病不起斯時弟方五歲雖

有長兄足倚然伯母失所天弟失所怙寡婦孤兒孀之在疾茹苦含酸祇

自知矣閱二年體羸多病兼患目眚禱佛迎醫迄不見效抱

痛傷心苦情曷極又聞術者謂運行在酉非瞽則天伯母聞

之潛然曰使其言驗吾寧求瞽而生矣故一時解憂者述往

事以相徵勸曰皇天不負苦心人而伯母不計也乃未幾而

體弱者漸強眚亦漸愈讀書赴試完姻育子向之抱隱憂而

痛心者至此而母子互相慶慰得勿謂之天相歟歲丙戌年

已二十有二矣曾不知次年三月始患痘不出於幼而出於

長且合族並無一人同患適逾月而能赴試按諸世情不又

於痘見其出類而拔萃者乎奉兄命分居竊自慍曰吾不能

殫心畢力於學矣然猶夙夜孜孜勵志進取不少倦如是者

十年丙申義門表兄和梁來商納粟意猶不決轉商於予予
勸之曰君縱抱必售之技其如困於目力何則感然曰吾本
欲繼父志踵兄後續此一脈書香今吾遇若此年踰三十不
獲掇一芹其命矣夫然舍此詎無事可以見志者遂援例入
成均一意督僕犁鋤課兒誦讀既而見諸郎年長未見學問
進益遂教之舍讀而耕君之志未雨綢繆不驚虛名有可見
矣迄丙午伯母年七十有九一病沉綿君保抱扶持晨昏侍
奉歷數十旬志不少怠已而棄世喪葬盡禮見者咸稱之嘉
慶己未弟思一身之諸事就緒而志欲退閒也爰進四子而
命之曰予一生經歷艱難爾等共知之矣今養生送死爲子
之事已終女嫁男婚爲父之事亦盡數畝薄產兢兢業業守
之至今筋力倦矣爾等其各當家可乎乃經畫井爲之分

爨焉說者謂君之善守先業垂裕後人事之由勤儉而致然
吾觀勤儉之人類多近於固陋而君能急人之急親友中有
來商稱貸者家無蓄積則代借以與之至有不克償而代償
者且樂善好施如爲城隍廟助田一石坐落十六都土名吳
殿屋後修宗祠捐瓦四千葺堂樓造門三對種之義舉又非
固陋者所能爲也其志意深遠行事得中不可觀厥成乎君
今在譜局行年六十有一淑配于氏六十有五眉案相莊膝
下四子孝友寸有三孫樸者負耒秀者橫經初生如瓜瓞又
見綿之則是由困而亨不墜厥志直與古人類也予故據所
聞所見而論次之至一切人情公共言之不贅一辭懼虛也
慶慶十年歲在乙丑黃鐘月下澣之吉

從堂兄德澐謹撰

昌二百廿三公行略

箕塘誠齋張夫子

諱

德本

字

慎先者文學懋齋公之冢祠磐

逸公之長孫鄉進士台生公之曾孫也上承曾祖父所云讀

書爲天下第一等人之語懷步月登雲之志殫青燈黃卷之

功方弱冠卽設帳於洪方二族主賓交善久敬無猜歲辛丑

入泮冠軍小試頻列優等僅補增生闈戰十有二科徒經薦

備當世文人無不扼腕而我夫子則曰讀書人重文行不重

功名爭道義不爭氣數觀此言可知夫子梗槩矣

華

先父郡

增橫巖公仰慕才高學博敦請教

華

輩子姪窓課二十年來

論制藝以清真雅正爲尙論試帖以珠圓玉潤爲工論書法

以端莊凝重爲貴至于訓小子也寬嚴並用卽頑子自爲點

頭誨成人也進退因人雖高才亦胥歸範且示以持身謹言

行不可以才氣自雄涉世貴謙冲切毋以倨傲招損聆教者
 不啻發贖振聾接容者恍遇和風霽日一時從遊諸弟所以
 多列宮牆我夫子啓迪之功豈淺鮮哉嗚呼歲丁卯華追隨
 入闈還鄉已而夫子不豫明年仲春壽終正寢享年六十有
 二師母鄭氏溫柔勤儉相夫成名丈夫子四孫男二幼師弟
 業經刻志銘心以上綿列祖七世文學淵源於勿替洵為善
 繼善述之令子矣茲聞貴族修譜華忝才劣僅舉夫子學誨
 之苦心以附簡端

昔
 道光二年壬午孟冬下浣之吉

受業門人
邑庠生 府庠生
 傅景華
 哲人同謹述

昌二百廿二公評

昌二百廿四公傳

嘗聞剛直爲六言之美德顧剛者每以矯亢而戾人情直者每以徑遂而乖義理此弊也若得權公之爲人則不然公生平不脂韋隨俗不唯阿徇衆端方自矢素以古道見重鄉鄰鄉鄰中設見有不平之事不韙之行輒怒形於色而憤發於聲故雖狂妄頑梗之徒亦有所嚴憚而不敢逞其剛直之氣足以折服人心者可謂壯哉豈知性傲岸而心又慈祥詞急切而意實公普凡仁人君子之懷忠厚長者之爲亦惟公有之如嘉慶乙丑歲合葺宗譜藹然爲一族聯親睦之恩庚午歲創修古刹隱然爲合社混神明之怨其較著者嗚呼其事業若斯殆又不徒性情剛直可風者歟至若善丹青工藥石諳時日地理種之術藝猶其餘事然則公之享壽八十有八

主家政 歷年有八天眷有德理有固然無足異也 余 生也

晚家居又距數里許未獲稔知公之巔末而幼嗣光彩君與

余相善有素茲當總理譜事欲以先美垂諸不朽而囑傳于

余余敢以固陋辭哉爰據所聞謹書之以為譜牒之光且以

為閭里風云

皆

道光十四年歲在闕逢敦牂無射月

廩膳生宗姪步雲頓首拜撰

李不識草創於不致阿附於未識式自天表以古歡良重
委心以歸而亦歸也此終世皆歸公之為人與不然公也
言公之美於國者皆以公之為人與不然公也

昌一

昌二百四十富有公行傳

嘗聞箕疇五福以壽爲先古人之言豈虛語哉然人而能有福者蓋鮮福而兼有壽者爲尤鮮而吾族祖洵可稱有福而有壽者矣族祖諱得傳字納言號富有文百六十八享恩公

之幼嗣迪六十四承輔公之孫也自幼習學木藝中年力業田疇出而作入而息俯仰無愧鑿而飲耕而食優游有餘然雖豐豫而仍不辭胼胝之勞至於立身行己不失孝友之道奉尊處卑不行非禮之事逢席同歡不飲過量之酒故里中皆稱爲農中俠者也淑配賈氏安人順守婦道善奉姑嫜僅生一子貴寧不幸安人而卽逝矣繼傅氏淑順賢良慈子猶生撫養成入以及婚配辛巳歲欣逢

聖天子養老之恩賜九品頂帶榮身其後幸育孫男者三愚者

望耕賢者讀各當其才一堂三代年逾八旬而子若孫之蕃衍者不足為族祖福壽之徵哉茲屆輯譜孫亦忝附局內祖之令孫大冲不嫌孫之無才命孫書傳因不愧固陋隨勝筆以誌而為之傳云

皆

道光十有四年歲在甲午小陽春月上浣之吉

族孫志明氏大應頓首拜撰

之也歸歟六十四年承辦之文將出自此醫學本藥中
亦壽者必效脈...
詠春蓋無...
嘗聞其...
昌二百四十四富林公...

盛廿五公敘言

從來大行受大名細行受細名凡鈞名沽譽強致人歡者不足爲正人君子齒故醇謹誠樸之人雖採風者尙錄之以爲名當立獻况宗黨之所稔悉自有不得而泯滅者吾從堂姪

諱貴義

字

正路年八十四歲自嘉慶庚辰年欣逢

聖壽暨道光嗣位元年辛巳兩次叨沐養老帑銀與頂帶榮身賜

匾以獎之此乃有德有壽者之所報豈倖致哉然核其生平其爲農則爲良農其爲工而製錦也則爲良工迨后有資本而爲商亦不致折閱而以所得之厚利置產外又爲三子娶媳諸係林立一家皆自辛勤來非乞假諸人者蓋由天不負苦心人故能做成一分人家年雖老志猶未衰仍欲出外經紀兒等以父壽高乃曰禮有云七十曰老而傳况大耋有餘

總健可安閒已于是撥三房各餐而公膳焉一生總無假飾
虛名其厚重老成如此自可以筆紀而垂諸後茲當宗譜修
葺之時賢嗣輩倩余為敘余應之曰可于是乎敘

昔

道光二年壬午十月中浣之吉

愚叔詩可氏允興敘

盛四十四步雲公傳

竊維傳者傳其事而核其實也與夫添錦以弋名飾詞以沽
譽槩不與焉箕塘堂伯翁盛四十四步雲公諱貴琇字碧玉
骨格清奇眉宇軒爽真超然越俗人也稽弱齡下帷攻書文
翰咄之驚人因先人身體疲弱不耐煩劇遂舍舉業而肩家
政邑尊范公諱玉衡因翁才能敏達詳請咨部批准優

予職員需次補用雖未能得遂大志然終不以白丁繼世也
且敬神明繩祖武尤人所難乾隆丁未歲因玄武神帝後殿
爲先祖所建棟折榱崩獨力修輯嘉慶甲子歲廣福庵宇傾
圯幾盡倡捐修理復還舊規并二次倡議修祠種之美舉難
更僕數一生嗜看善書好勤筆札無論公族私家經身親者
一一登記簿錄謂使後日得有所考證云至年屆耳順髭鬚
雖班精神猶健癸亥王正月初三爲翁六秩誕辰 學師馬
藕塘 左堂邱鹿城先於壬戌臘月偕諸衿友各賦瑤章慶
祝諸公不棄莫非翁之盛德所致也翁第三孫 時崔 從予受
學嘗言及翁在家時以孝友一家之政詩書百世之宗勗後
今翁雖逝而聆此二語則翁之生平愈令人不忘矣 朝 也諛
忝絲蘿居連咫尺得悉翁之實事甚詳爰屈修譜遂不揣固

陋因即所聞所見者而為之傳

并述馬師臺稿語曰余以孝廉充入教習兩奉簡授浦陽

儒學司訓今夏秋憲委兼辦賑務延諸紳士會議接見

碧玉張年翁羨其才思敏捷詞氣充裕大有仁人長者之風

且詢其先世青箱奕葉秉鐸三衢翁以候選左堂繩成貽

謀真所謂前有光而後有輝者也來歲癸亥壬正月初三日

值翁週甲覽揆初度友人製錦申余之占一律頌南山祝云

箕塘秀氣映長庚週甲筵開酒滿觥舉案齊眉琴瑟好含

飴繞膝桂蘭盈蟠桃果熟三千歲斗柄春添六十程羣賦

瑤章同慶祝晉歌盡是魯諸生

道光歲次壬午仲冬月穀旦

眷姪婿邑廩膳生槐庭氏王朝拜撰

盛八十三長濟公行傳

嘗讀中庸有云故大德必得其名必得其壽至聖之言豈虛語哉又漢書曰有志者事竟成光武之詔豈不然乎竊謂名以顯德壽以末德有志乎德者未有不壽其年而成其顯名之事也而獨吾三伯父偏異焉伯父諱貴河號長濟曾大父郡庠生漢恭公之元孫邑增生贊士公之孫也生而穎悟聰敏超羣年甫十三歲癸未 邑侯 施公 郡守 程公兩試並取前茅自此歲科榜名不出三二諸名儒稱必獲售詎至壬辰隨嚴君而赴院僅佾生後憤成血毆歸家不耳世事不日繁華其篤志不啻錐蘓季子之血股直欲穿桑維翰之鐵硯無乃癸巳秋乙未夏踵橋而逝所謂有志者事竟成果安在耶有德者必有壽烏可信耶天之報施也竟若是耶然

棄世時有遺言吾昆季四如得漢侍郎盧邁之猶子可矣致
 嘉慶乙丑族修家乘先翁不忘手足之情遂遵遺言將弟大
 虞繼嗣焉迄今弟年近五旬疾又欠祧吾將次子時鏊承之
 庶不負先君念兄之婆心以全於先伯思廬之深意茲今者
 因修譜牒姪附在局追思祖禰文學略敘伯父苦衷以俟後
 嗣誌之

昔

龍飛道光二十六年歲次丙午十月下浣之吉

不肖姪志明氏大應拭淚拜撰

盛一百一登有公暨王氏安人行傳

竊聞人生非讀則耕讀莫重於孝悌耕莫貴乎勤儉然能孝悌者固少能勤儉者亦少而吾族叔誠有所取之矣族叔

諱

貴燧

號


登有昌五十六業儒公之子也緬其生平未嘗訟履

琴堂未嘗爭隨鼠社奉椿萱和梓里人言無閒沒世猶稱有何愧於孝悌乎且幼習業田疇寒燠雨晴不辭勞瘁持身涉世不尚奢華雖不能廣置田房而子若孫得免啼號者無非叔之克勤克儉所致也淑配王氏安人順守婦道善事姑翁丈夫子三長大財次大寶幼大富均各成人婚配孫男四曾孫一四代一堂振々塾々愚者耕賢者讀豈不快哉茲屆修譜姪因叔之冢嗣大財不嫌余才謏陋請書行略余不自揣而謹爲之傳云

龍飛

龍飛道光十四年歲在甲午小春月上浣之吉

族姪志明氏大應頓首拜撰



夫夫十三身大相矣夫... 族姪志明氏大應頓首拜撰... 登育公... 登育公... 登育公...

盛一百十五公暨鄭氏安人行傳

竊聞能忍自安知足常樂古人豈虛語哉然而能之者甚難
唯吾伯父可謂知足能忍者矣伯父諱貴虎號邱山幼習錫
藝以儉約爲身計中年樹藝以耕耘作生涯二十年間置買
田產房宇又爲諸子婚配而家竟成飽煖矣辛丑冬姊丈傅
之漢去世乏嗣無依請胞妹來歸奉養孝終時衣衾棺槨不
惜己費以厚葬之非伯父之能忍自安者乎丁亥春伯父七
旬親友仝賦瑤璋稱觴上壽又非伯父之知足常樂者乎壬
午秋伯父溘思昆仲乏嗣遂將長次兩子承繼焉不忘手足
之情敦葛藟之誼丁酉歲屆八旬壽旦合族仝頌太公之句
共獻南山之祝其樂誠融之洩之矣壬寅春新主家政爲合
族表率衆皆赴祠叩賀其樂豈不大哉淑配伯母義門鄭氏

安人順守婦道善事姑翁法敬姜之勤申孟母之教內則女
 箴真可媲美古人焉粵楷伯父祖禰王昌五十八美璧公之
 子遊邑庠生 聖恩公之孫壬寅成鄉進士 繩武公之元
 孫也姪因伯父長子大寬囑姪書傳姪附在局義不容辭謹
 敘伯父生平之巔末云爾嘉又非伯父之映以常樂者乎

皆

龍飛道光二十六年歲在丙午小陽月下浣之吉

堂姪志明氏大應頓首拜撰

田家... 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰
 堂姪志明氏大應頓首拜撰

蓋一百十五公遺像于安人...

盛一百廿八自怡齋行略

夫人之境遇自始至終所往稱心斯亦可以怡然安而快然
樂已至於才智之士利名不就終於沉淪不振時阻之命困
之而能無怨尤之念誠可謂卓哉吾姪貴美字用和號長春
自幼蒙養家塾教輒領略成童後出就外傅奮志芸窻以圖
上進讀書事外他無預焉後以兄弟各餐不得遂志例入成
均而厭家務冗煩賴賢內助代爲分任而以操琴適志學字
遣懷超然有物外之心雍和之氣其情性之曠達有異乎尋
常者無何遇岳父鄭家起有買補倉穀奉押一事有作寓李
生者知姪爲起壻勸令代寫錢票還倉釋回不料其岳抗負
併樟木案上控仰府提訊輸服後不理經胥詳文互異批詳
戒飭其岳父翻控覆審府轉詳翁壻串通依健訟例累姪斥

革此禍從小來罪非自致在知者莫不悲憐忿恨在姪恬然
安命而無憾焉厥後勤於公事慨然樂施如油漆寢室土地
功德兩祠增獲門闌顯廳串廳石焚寢室前天井與夫公堂
祖廳之修整未慶庵之修造二處俱不足于貲公廳與澣兄
完功庵中與大觀等人各出己貲共襄成美事以圖厥功而
庵中無香產于丙子年爲首勸捐自己助壹石與費浦大觀
等向親族中捐產及捐錢文置買產共有田地八石零絲毫
不入己橐且生平謹言慎行拙於俯仰粗衣服儉飲食嘗吟
梅先生句云葱湯麥飯丹田煖麥飯葱湯也可憐試向城樓
高處望人家幾處未炊烟其淡泊隨緣如此嘗誦金剛經吟
詩一絕識得沃焦苦劫多奚堪作業起風波時時檢點心腸
好可往西天見達磨又聞達磨祖師相理吟詩一則身相榮

枯不必疑自行善惡自家知貌慈意毒終不達容拙心誠始
見奇又編步天堂小引并續摘聖語玉歷勸世爲脫苦享榮
良方刊刻施送茲年踰週甲閱盡世故看破時命二字因更
號看破道人向觀音大士佛前懺悔每日清晨虔誦感應
經一徧取諸惡莫作衆善奉行二語之意以飭己勸人消罪
免禍培積善根祈餘慶于他世矣予爲之敘其來由敬祖先
禮神明有得呂祖師尋真務本之學亦使子若孫知祖父之
行事有不愧乎月旦之公評爾

愚叔詩可氏允興撰

又附親友所贈詩句并少序

嘗觀人生世間爭名者於朝爭利者於市惟不看破故一生
爲名利籠紉而患得患失之心戚々然無時休息噫斯其人

為名利中人矣矣足言道張翁諱貴美字用和性耽淡泊嗜
 清淨不營心於貨賄不競慕乎紛華晚年而以看破道人為
 號是蓋樂天知命超然於名利之外而自成其道者歟爰作
 詩二絕以贈之

氣宇雍和度量寬直將名利等閑看人生萬事俱排定識
 破如君大是難又窮通得喪總由天參透根苗便是仙世
 界八千無檢束逍遙自在樂餘年

眷姪壻邑廩膳生槐庭氏王朝拜撰

飛沉榮辱付前緣且自狂歌且醉眠怪甚孽來非我作此
 心監處有蒼天又知君心事最遲遲只有稟書債未償世
 上浮名都屏却摠能看破是滄桑

道光二年冬月吉日

蘆江金照稿

盛百三十養素公暨蔣氏安人行傳

竊聞勤儉者齊家之本孝悌者守身之基人能勤儉者蓋少能孝悌者爲尤少而吾張表伯洵可當之表伯諱貴涵字寶玉邑庠生錦川公之幼嗣增廣生贊士公之裔孫郡庠生漢恭公之元孫也上溯祖禰七世文學孝友淵源厥名最著而表伯之不得附於搢紳者蓋亦有故自幼父病事奉雙親頗知孝道晨昏定省未嘗少懈年甫十四表伯父逝諸兄各居而掌家務不入庠序之教青雲之志于焉就衰年逾三十已未有室與母優游樂度堯天惟勤於事而不怠儉於用而不奢焉耳延及乾隆壬子歲表伯之母七旬吾伯父傳至叔父傅兆傅準傅衆與諸親吳福元黃以炎金芳華仝子金照等齊來拜祝共慶瑤池之壽其樂誠雍々矣然表伯愴然無偶

伯父輩日遇慘憐思夫不孝有三無後爲大成勸之娶室迨至嘉慶丙辰春天付良緣淑配義邑酥溪蔣氏安人順守婦道善事姑嫜次年丁巳及庚申連添二子表伯喜出望外令伯父等與里中同歡暨叔父傅兆有詩相贈云

年逾四

九娶妻房

自憂自樂自悲傷

有志竟成天不負

連添二子在中堂

是年秋晚憂喜交生表伯母逝哀

哭傷癡幸賴親友勸解得免居喪之時凡附於身附於柩者不至有悔抑亦奉教於君子矣乙丑冬族修家乘表伯淚思三兄早世乏嗣兼憐昆仲均各單傳隨將次令弟大廩繼兄爲嗣致長令兄大應出就外傳堅志立教意以不得志於身欲得志於子己巳歲表伯五秩伯父輩同賦瑤章之句共祝難老之章其樂豈不快哉不幸甲戌春表伯抱病乙亥秋飄

然瞑目而西歸矣致令兄亦廢學業而理家務又賴表母賢
良尊夫遺命訓子不離足胝手胼之勞重姑言辭囑媳不出
內則女箴之外更兼繼後之志歷々不衰至道光癸未聘娶
義門武生鄭雲峰之孫女爲媳幸育係男者三長時鑿次時
罄幼時盜今雖尙幼俱不出於耕讀之外乎此勤儉孝悌之
報應古彥所謂積善餘慶克昌厥後者不足徵哉噫表伯之
父吾姑丈也表伯之母吾姑婆也姑丈與姑婆之克終天年
者皆表伯克孝克儉有以致之也茲聞貴族重修譜牒令兄
全附在局姪不揣固陋聊以幼時所聞叔父輩之遺言約辭
誌之而謂之傳云

昔

龍飛道光闕逢新祥之歲壯月望日

讀源直光國

華山愚表姪郡庠生倪玉書頓首拜撰

精之而費之則云

全州亦以氣不無固陋以故有以

善者幸自京奉京劍育以終之

父吾故女少妻前之母吾故妻也

時 古志初歸善翁妻京邑


蓋以善翁令親尚世財不出

美門先主魂聖執之孫女無

內以女適之快更兼樂於志

其奪夫數命備千不備以

然期且而西鶴矣選命於下



盛一百三十九高軒公傳

嘗聞積善之家必有餘慶其言深切而著明矣以爲理之所
不易卽數之所不移凡積善者未有不致慶者也予獨於太
學生張高軒公大有異焉公諱貴尙字在志昌一百十八府
君側室之子生孩七月卽無怙父亡祖在迨後祖沒而長大
公舍學而理家事貲儲頗豐凡有乞貸者悉持乎與之見親
友急難尤不吝周恤是亦可謂善人者矣天之報施也宜其
綿後嗣享遐齡而得福緣善慶之報奈歷年五十有二僅育
一女竟抱疾而殞其可爲慶者果安在耶天之報施也竟若
是耶理也數也烏在其可信耶然當其棄世時凡我同儕及
閭里之長老莫不曰某也胡可亡某也而竟亡耶悉驚之疑
之而咨嗟嘆息之爰知公雖未能昌厥後壽厥世而善之感

人播揚於當時者有如此是不慶之慶之於無窮斯真為慶
有餘矣積善餘慶之說其欺我哉至淑配洪氏遵夫遺命擇
繼延祀并助田地於宗祠與庵堂作祭產作香產族中先達
已為詳載於家乘余亦無容多贅焉

皇清道光二年歲次壬午孟冬月吉善人普矣天女將族也宜其

公而而暨宗事貴顯豐稟膳生槐庭氏王朝拜撰

(Faint bleed-through text from the reverse side of the page, including characters like '公', '主', '善', '言', '而', '皆')

盛一百四十六公序言

嘗謂人生非讀則耕持家惟勤與儉循是道以行庶不致游
手而家索矣吾表兄張諱貴浩字法天齠齡就塾旋幾載以
家資淺薄舍學而別尋生理甫弱冠在外開張藥鋪寄身復
以濟人此亦小道之可觀者也顧世有樂鄭衛之淫靡而厭
唐魏之撲懋者表兄不然勤于事而不怠儉于用而不奢所
以衣食盈餘全家賴之今年屆週甲膺飲賓請閭里歡焉以
爲非謹厚有道之人何得與于斯選而表兄之生平未嘗武
斷鄉曲未嘗屈膝公庭其言與行之謹愨不少差者予家亦

人人夙信以爲然方冀其携鳩杖而享夫珍從滿望

聖天子養老之崇恩而天不憇遺庵然而逝雖親中無不悲悼
况骨肉之情深者乎賢內助先表兄而沒生二女一子二女

皆鄭娶一媳成稟尊訓泉下應亦瞑目焉今乘表兄族修宗譜聊以平日之所知約略其辭以誌諸簡中云爾

皆

道光二年十月之吉

郡庠生表弟吳君選拜撰

蓋一百四十六及京言

盛一百五十一 稷齋行略

蓋大德必得其壽聖人之言豈虛語哉以吾觀箕塘張表叔其言深足信矣表叔

諱貴浦

字

美稷太學生鼎三公之家嗣

增廣生贊士公之裔孫郡庠生漢恭公之元孫也生而岐嶷穎悟過人髫年就學輒曉大義咸以遠到期之奈父中年患

目家政委焉功名之想遂絕惟以勤儉是崇居身質樸處世雍和既不沽名亦不釣譽世多稱隱君子者也邑侯方公

簡命蒞浦適表叔耳順誕辰耳其人知爲完品遂邀

吳高兩學師

請舉耆賓而以德壽雙榮賜匾獎之淑配黃氏安人克嫻母訓孝舅姑和妯娌羣無間言丈夫子三長大升次大節幼大坎克勤克儉具有祖父之遺風係男六因材而篤聰穎者教以詩書樸茂者使之力田均各循分守身表叔因家務日繁

人口頗多諭令三子各爨而自設塾里中訓誨不倦非純德
 美良者烏能有是乎歲癸巳表叔七旬同人各贈瑤章之句
 姪亦晉祝難老之章舉案齊眉桂蘭繞膝優遊於舜日堯天
 之下所謂大德必得壽其言益彰彰矣茲因貴族修譜表叔
 同列局中不懈於事姪不自揣遂縷述其巔末而為之略

龍飛道光十四年歲次甲午菊月

蘇晉入啓華山表姪郡庠生倪玉書頓首拜撰

蘇晉入啓華山表姪郡庠生倪玉書頓首拜撰

蘇晉入啓華山表姪郡庠生倪玉書頓首拜撰

蘇晉入啓華山表姪郡庠生倪玉書頓首拜撰

蓋一百五十一蘇晉入啓

盛一百六十六公傳

夫傳不同有圖傳有書傳圖傳者何請丹青司圖其像傳諸
來齋俛見祖先容貌書傳者何托筆墨士書其行傳諸後人
得知之子性情要非真實以傳之曷足貴而余於仁玉兄不
然兄諱貴瑄字仁玉太學生錫光公幼嗣登侍郎碧玉公季
弟農中俠也幼習裁藝長務田功辦壤殖察早晚蓄羝牯課
晴雨操持忘倦計算錙銖聰巧異常凡耕獲賣買多不出其
其所料不二十年家致溫飽歲癸未

邑侯方公聞其能遵

國朝典律舉爲鄉約長化導鄉愚遐邇皆服且逢庵堂寺院修
輯事宜往々驥首勇爲非農中之俠乎惜年未週甲竟徃西
方矣茲屆葺譜兄長子大行姪再三請傳余豈敢當筆墨士

哉而情有難辭爰索枯管以傳其實行焉

貴

道光甲午年應鍾月上澣之吉

從堂弟貴煥頓首拜撰

其

雨

林

志

指

其

能

益一百六十六次公



盛一百六十九公暨傅氏安人傳

嘗聞餘慶者必積善克昌者必厥後人人所共知也然世人能積善者固少而能厥後者更少而余族叔洵可稱積善厥後者也族叔諱貴立字秉禮業儒得琳公之子輅恩公之孫承芝公之元孫也追溯上祖世世以孝友篤於家庭以仁厚處於鄉黨厥名最著矣叔自幼時就學嚴師弱冠奮志芸窗不意卽失怙恃孤身獨立隨習業於農桑平生惟食以時惟用以禮不望世俗奢華唯鑿而飲惟耕而食不觀意外之閒事故閭里中咸稱爲農中士者也惜乎年未週甲竟抱疾而辭塵矣幸賴淑配叔母傅氏安人賢慎溫恭勤儉慈愛生丈夫子四長大賓次大貢三大賢幼大貞均各竭力田疇俱已成人婚配不十年閒而家竟成飽煖矣其後幸育孫男六皆

頭角崢嶸正未可艾也諺謂積善餘慶克昌
後者豈不足
徵哉茲修家乘姪因族叔次子大貢喚姪書傳姪附在局情
不敢辭略敘族叔之巔末因不愧固陋而爲之傳云

皆

龍飛道光十有四年歲在甲午小陽春月中浣之吉

族姪志明氏大應頓首拜撰

贈舅氏盛一百八十三公傳略

嘗聞莫爲之先雖美勿彰莫爲之後雖盛勿傳信斯言也是
可以觀我舅氏舅氏箕塘巨族諱貴瞻字光照業儒南來公
之仲子太學生貞立公之孫也篤生兩美長大巽次大典克
儉克勤擴充先業一女適傅母儀是訓婦道無虧堂前二媳
奉侍惟謹膝下八孫追呼躋之宜爾室家樂爾妻帑何莫非
舅氏美彰於先盛傳於後耶惜乎壯年不幸昆季成羣旣張
夕陽于西下蘭房清淑還隨江水以東流白圭之玷不足道
螽斯之慶現今音容昂之白髮蒼之推一族之亞處鄉里惻
怛慈愛待親戚欸曲周旋叨蒙

皇恩寵錫欽賜九品冠裳一時盈庭聚慶同祝獲壽無疆茲因

丙午初冬重修家乘

余

關至戚不愧陋才敢薦俚言以書其

大槩聊抒所懷以表其贊辭

贊曰

其容肅々其體雖々年彌高而德彌饒品彌尊而體彌光
行仁講讓言由司馬敦宗睦族法效先公禮云曰老曰耄
詩咏如竹如松旣顏蒼而髮白亦齒豁而頭童他年奉觴
獻壽恍若伏生之再下彭祖之相逢

楊氏安人贊曰

美哉楊淑可範可模敬從夫子孝事舅姑惜年不永令嗣
悲烏兩媳承絃柔嘉令德鷄鳴警戒相夫立業宜爾子孫
螽斯輯々

龔飛道光二十六年歲在甲午小陽春月下浣之吉

外弟傅在玖頓首拜

盛二百二十四公暨沈氏安人傳贊

族兄

諱

貴旺

字

發生者昆季五人兄居三常以友于存心因

號

曰三友夫友者未有不順於其親者也

余

觀兄之事親生

則供甘奉旨徹請所興破則破囊購地造考妣坐不以天下

而儉此皆昭昭在人耳目間尤可欽者癸丑秋

余

與兄聯牀

夜話道及乃親懿行兄輒垂涕以對夜深就寢夢寐中猶隱

隱有呼親聲時年已七十有六而有懷如是非其孺慕之心

實有老而不衰者乎若夫恭二兄憶兩季孔懷誼篤微特財

產不較計雖析爨後而飲食常與之偕友愛敦倫皆本乎天

性詩曰兄弟既翕和樂且耽可爲兄也咏之而其父母之順

益可信矣至於謹交遊嚴飲犢教子孫以勤儉處鄉族以雍

和又皆孝友之所推也歲咸豐辛亥我

贊曰

行列燕山三竇年踰古稀高壽二十八閏積春秋健如松
柏之茂饌雙親儻籩豆徹爾殺請與授孺慕真誠何日休
月盡西江不穀

自創自業好天資未受名師若受名師令範何如張仲垂
父母一詞昆仲一詞 七十六歲主宗祠教孝咸宜教友
咸宜一翦梅兒合贈遺傳也如斯贊也如斯

皆


咸豐八年歲戊午重陽後五日

族弟上林氏貴煥拜撰

漢陽樓漢張氏完詩
卷之五

三
此少三
名

叔正



乾十六公行狀

外祖乾十六公

諱大有

字敦本

號厚齋

先太祖邑庠生迪

七十五公之元孫先

太翁盛四十三公之冢君也

公

心紹衣賦質樸誠業事耕耘行敦模楷處鄉黨宗族間謙冲

其本懷也和藹其素風也儉約自持浮靡所必節也辛勤自

矢游惰所必戒也嘗見誠舅父云人生大業唯讀與耕子家

貧不暇勉爾詩書以光門宇水耕火耦是農家本務敦本

睦是處世要圖每遇閒暇時必然反覆丁寧言之再四時

尚幼雖聞斯言不知其言之善也及長欲聆尊誨而公

已委逝每念及此不勝愴然夫以公之在日教子如此自

持可知齊家如此待人可知字曰敦本號曰厚齋儻所

謂名實相符非耶今舅父三克紹箕裘表兄弟七森、玉、立

作善必昌是其驗矣卽如南也四齡失怙母氏孀苦內外無依公特命次舅父來家辛勤一十五載母氏得遂相舟之志南亦得入成均之例是皆我公慈愛之盛德有以及於家而及於孫家者也南也不文未及狀公於萬一聊以述其一二以俟後之君子不忘公之盛德而爲之傳云

昔

大清咸豐八年歲次戊午秋菊月望後二日中澣之吉

暨邑國學生外孫周承南頓首百拜謹述

